

# MEJE PO CARTE PABLO TATINA, ROMA TOMARAPIWI TATINATSI

---

Meje yabara poxonae Pablo tamropata pitaba xua tatina  
pomonaetha pomonae Roma tomarapiwi

**1** <sup>1</sup>Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwi jiwana tatsin xua tacueicueijeinexa Nacom pia pecapanenebiyae diwesi jume.

<sup>2</sup>Barapo pecapanenebiyae diwesi jume caena bayatha Nacom yabara tsiwuna muxu duta Nacom pia peitorobi jume pepaebi jiwitha poxonae barapomonae tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi. <sup>3</sup>Barapo diwesi yabara tinatsi Jesucristo, pon Wanacanamataxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwanapin tatsi. Barapo David pon caena bayatha Israel nacuapiwi itorobiya pia pepa peewatsinchi.

<sup>4</sup>Poxonae Nacom pia peayapusu itorobi coyenewatha Jesucristo pon Wanacanamataxeinaein asu exanatsi petupae cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tunaxu tatsi juntu coyene xanepana Nacomtha.

<sup>5</sup>Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwi tatsi. Nacom pana itoroba pata cueicueijeinexa daxita nacua jiwitha xua barapomonae pejume cowuntsinexa yawa xua peexanaenexa pocotsiwa xua Jesucristo itoroba. <sup>6</sup>Daxita barapomonae pomonae jume cowunta, paxam barapomonae jiwana pam. Nacom iru paca waba xua paxam Jesucristo piamonae tatsi jiwana pam painya nenaexanaenexa. <sup>7</sup>Daxita pam pacata tinatsi pomonae pajinompame Roma tomaratha, pomonae pam xua Nacom paantobem. Yawano

Nacom paca waba xua bapon painya tsita nenajuntũ coyenein xanepana exanaenexam tsane. Barabũ Nacom, pon Waxa, irũ Jesucristo pon jiwi Pecanamataxeinaein baponbe paca yawenaenabe pia paca necaantobexae. Matautano baponbe barabũ jũntema jinompa paca cana exanaena.

**Meje yabara poxonae Pablo ichichipa xua pesiwa ponaewa Roma tomara**

<sup>8</sup>Matha copiya Jesucristo wũn caununaya tsipaeban Nacomtha, janje tsaibin: “Nacom, yabara jũntũ coyene weiweinan Roma tomarapiwi, tsipei daxita nacuan jiwi yabara paeba xua pinae barapo Roma tomarapiwi xaniwaicha beta cajume cowũnta”, jan tsaibin Nacomtha. <sup>9</sup>Ajũntũyarusũya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha. <sup>10</sup>Nacomtha yainyabeiban xua icha bapon ichichipa xua bara metha neitacũpaetsipa xua matapainya tapaca siwa ponaewatsi tsainchi. <sup>11</sup>Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tũnaxũ tatsi painya nepaca cayawenaenexa tsane painya jũntũ coyenewatha. Bapoxonae paca jũntũ coyene ayarusũ exanaena. <sup>12</sup>Pocotsiwa xuaunxuae yabara paeban apara xua waxainchi caemonae nantiya wanajũntũ coyene tsacabinexa xua jũntema wajinompaenexa. Baxua nacana exanaeinchi poxonae wanatsipaebibinexa Nacom Pejume Diwesi, po jume diwesi pajume cowũntame xua irũrũ jume cowũntandũ.

<sup>13</sup>Tamonae pam, pomonae irũ painya nejume cowũntsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacũpaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowũntsinexa pomonae jopa copiya jume cowũntsiyo, xua irũrũ pejũntũ coyene tsacabinexatsi pomonae copiya jume cowũnta. Baxua barichin tsane icha bayatha ichin ichamonaetha xua poxonae yawenan pomonae jopa judiomonae naexanaeyo xua pejume cowũntsinexa. <sup>14</sup>Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae. <sup>15</sup>Daxota bichocono ichichipan xua paxam irũ tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

**Meje yabara xua Nacom Pejume Diwesi xeina peayarusũ itorobi coyenewa xua jiwi pecapanenebiwatsi**

<sup>16</sup>Jopa ajumeurinyo xua tacueicueijeiba Nacom pia pexeinya jume diwesi. Poxonae jiwi jume cowũnta barapo diwesi, Nacom capanenebiya

exana barapomonaē abe pia peexanaē cuiuru coyenein weya tatsi pia peyapapusū itorobi coyenewatha. Nacom capanenebiya pomonaē pia pejume cowūntsiwichi, matha copiya judiomonaē, bapoxonaē irū pomonaē jopa judiomonaē naexanaeyo. <sup>17</sup>Barapo diwesi naca yaputane exana xua Nacom naca cana jūntū coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana jūntū coyene exana saya poxoru ũ meisa wayabara jume cowūntsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom jūntū coyene xanepana exana pia peyabara jume cowūntsinxaetsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

**Meje yabara xua jiwi penatsicuentisiwa Nacomtha abe peexanaexae**

<sup>18</sup>Waxainchi yaputainchi xua Nacom anaepana pomonaetha pomonaē abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Mataūtano barapomonaē abe peexanaexae, jopa copatsiyo xua bara pia jūntū coyeneintha peyaputaewa pexainyei jumein. <sup>19</sup>Barapomonaē bewa xaniwaicha bayatha yaputaena po coyene xua Nacom pejūntū coyene tatsi. Tsipei bayatha Nacom tsita najūntū coyene itūta barapomonaetha. <sup>20</sup>Jiwi jopa itacūpaetsi xua paeba xua pinae jopa Nacom yabara yaputaetsi. Beya poxonaē Nacom aena forota barapo cae pin nacue, jiwi yaputane xua Nacom xaniwaicha popona yawa pia peyapapusū itorobi coyenewa bapana jopa weraweracae tsane. Jiwi yaputane baxua poxonaē tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonaē abeya paeba xua pinae jopa yaputaetsi Nacom. <sup>21</sup>Bequein barapomonaē yabara yaputane xua bara Nacom popona, daichitha barapomonaē jopa barū cui itura jinaeyo Nacom ponxae xua yatsicaewa pia pepa Nacom tatsi. Yawano barapomonaē jopa jei tsaibiyo Nacomtha: “Nacom, pajūntū coyene weiweinan xua pocotsiwa painta neexanaewamxae”, jopa jei tsaibiyo. Saya meisa barapomonaē yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume. <sup>22</sup>Bequein barapomonaē paeba xua pinae peyaputaewi daichitha be pomonaē xua jopa xapain peyaputae jiwi naexanaeyo. <sup>23</sup>Barapomonaē jopa wūnae jainchiyo Nacom, pon ataya tsitecaeya popona. Saya ũ wūnae pejainchi ibo nacomūn, po ibo nacomūn be tsita jiwichi xua saya peweraweracae coyene. Yawano icha ibo nacomūn exana xua xuan be peyapupunaewi, yawano po ibo nacomūn be jomon xua petompacuetontha pona, yawano po ibo nacomūn be duwein xua pecobe xeina yawa pesito xeina.

<sup>24</sup>Daxota Nacom copata xua barapomonae bara moya peexanaenexa abe peexanaewa be pocotsi coyeneya xua ichichipa. Bapoxonae barapomonae nantiya nata exana pocotsiwa xua aura exanatsi pia pepontha. <sup>25</sup>Baxuan Nacom copata xua peexanaewa barapomonae, tsipei barapomonae jopa jume cowuntsiyo Nacom pia pexainyei diwesi jume. Saya barapomonae itapeta u jume cowunta xua xuan penaerabi diwesi jumein. Pocotsiwan Nacom forota baxuan barapomonae be pia nacomun cana exana pejume cowuntsinexa, matautano xua barapomonae pebaru cui itura jinaenexa xua wuna pejainchiwa nexa. Barapomonae jopa wuna jainchiyo pepa Nacom, pon daxita pefortsin. Barapon waxainchi bewa wuna jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

<sup>26</sup>Daxota Nacom copata xua barapomonae bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonae pia yabuxi tatsi jopa equeicha exanaeyo po coyene yabuxi ba exana poxonae peichichipaewa pia pebin. Bapoxonae barapo yabuxi exana xua cae yabuxi naichichipa. <sup>27</sup>Barichi pebiwi aichaxaibi po coyene pebiwi ba exana poxonae peichichipaewa pia petsiriwa. Saya meisa bichocono penthutontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xaina exanatsi. Barapomonae abe peexanaexae Nacomtha natsicuenta. Daxota Nacom copata xua barapomonae pia pepon atene nata exana.

<sup>28</sup>Poxoru barapomonae jopa ichipaeyo xua jopa pejume cowuntsiwa Nacom, daxota Nacom copata xua barapomonae moya bara abeya penanta xeinaenexa. Matautano Nacom copata xua barapomonae bara moya exanaena pocotsiwan jopa bewa exanae pocotsiwa xua abe. <sup>29</sup>Barapomonae jopa juniya juntu coyene yucaetsi xua peabe coyenewan. Barapomonae nasi cui weiweina exanaduta, yawano abe exana ichamonaetha. Yawano exana xua ichichipa pocotsiwa ichamonae xeina. Yawano ichichipa xua ichamonae atene exanatsi. Barapomonae uwa, ichamonae uwatsi. Yawano barapomonae juteba, ichamonae jutebatsi. Yawano penabi coyene exana. Yawano barapomonae jiwi muxujainyaba nawita. Yawano barapomonae bichocono piamonae caseba nawita. Yawano caemonae nabaru paxapaxei xua ichamonae abe yabara paebatsi. <sup>30</sup>Yawano barapomonae jume atsaquiya abeya yabara paeba xua ichamonae pocotsiwa exana. Barichi barapomonae Nacom casebatsi. Yawano barapomonae biatane ichamonae. Yawano pia coutha penayabara paebiwi xua pinae peainya cui jiwi. Yawano barapomonae paebiwi xua ichamonae aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi. <sup>31</sup>Barapomonae jopa ichichipaeyo xua Nacom peyabara yaputaewatsi.

Yawano barapomonae jopa jume xainyeya exanaeyo pocotsiwan xua exanapaebiba. Yawano barapomonae jopa xapain antobeyo ichamonae. Yawano barapomonae jopa ichamonae yabara jüntemainaetsi xua abe exana. Yawano barapomonae jopa ichamonae xapain yabara nanta xeinaetsi xua peyawenaenexatsi. <sup>32</sup>Barapomonae yaputane pocotsiwa xua Nacom itoroba. Yawano barapomonae yaputane xua pomonae barapo peabe coyenewan exana bewa werapaena. Bequein barapomonae yaputane baxuan ichitha awiya abe eexanapona. Yawano barapomonae jüntu coyene weiweina, poxonae ichamonae iru barapo peabe coyenewan exana.

**Meje yabara xua Nacom yabara paebina penatsicuentisiwa  
jiwi, xua yatsicaewa pexainyei coyenewatha**

**2** <sup>1</sup>Paca tsipaebatsi paxam judiomonae jiwana pam pomonae xua ichamonae pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichuntha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichun payabara paebame xua penatsicuentisiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonae payabara paebame xua penatsicuentisiwa xua abe pia peexanaewaxae. <sup>2</sup>Waxainchi yaputainchi xua Nacom yabara paebina daxita jiwi xua penatsicuentisiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonae Nacom yabara paebina xua penatsicuentisiwa jiwi, bapon paebina xua pomonae barapo peabe coyenewan exana bewa peraxa jubebinchi xua atene tsane. <sup>3</sup>Paxam ichun payabara paebame penatsicuentisiwa xua abe pia peexanaewaxae. Apra painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae Nacom atene exanaena xua poxonae yabara paebina jiwi xua penatsicuentisiwa xua pomonae abe peexanaewi. <sup>4</sup>Paxam paaichaxaibim poxonae Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonae Nacom abu saya jüntema ewata xua beta pacata exanaena xua pomonae pamxaem xua pajume cowuntsiname yawa atene paca exanaena pomonae pamxaem jopa painya nejume cowuntsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonae Nacom wucaetsi xua painya nepaca cayabara jüntemainaenexa painya abe exanae coyenewan. <sup>5</sup>Paxam ainya unthuton paxename. Yawano jopa paichipaem xua icha jüntu coyene painya tsita xeinaewa Nacom. Daxota paxam mataropeicha paexanaponame xua pocotsiwan abe.

Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonae barapo peabe coyenewan exana. Nacom yabara paebina jiwí xua penatsicuentisíwa xua abe peexanaexae xua yatsicaewa pexainyei coyenewatha abe peexanaexae bapontha. <sup>6</sup>Nacom catsibina pentoman daxita carepaya jiwítha xua pocotsiwan pia petanacuichiwiwaetsi. Pomonae abeya tanacuita xuya abeya matoma catsibebinchi. Pomonae wunaeya tanacuita xuya wunaeya matoma catsibebinchi. <sup>7</sup>Ichamonae Nacom peajuntuyapusu coyenewa catsibina pomonaetha pomonae jopa aitaconaeya exana dubenanaebiyayo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano barapomonae ichichipa nawita xua pia xeinaetsi peajuntuyapusu coyenewa po peajuntuyapusu coyenewa ataya tsiteca. <sup>8</sup>Ichamonaetha, Nacom anaya exanaena xua atene exanatsi barapomonae pomonae saya u piawa nata exana. Yawa Nacom atene exanaena pomonae jopa jume cowuntsiyo Nacom pia pexainyei jume diwesi. Barapomonae Nacom bichocono caseba itapeta peichichipaewaxae xua abe coyenewa peexanaewa. <sup>9</sup>Atene exanebinchi yawa ajunturewe exanebinchi daxita pomonae abe coyenewan peexanaewi, matha copiya pomonae judiomonae, bapoxonae iru catsibinchi pomonae jopa judiomonae naexanaeyo. <sup>10</sup>Ichitha nama Nacom seicaya catsibina pomonaetha pomonae xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua juntema pejinompae coyenewan. Matha copiya catsibinchi judiomonae, bapoxonae iru catsibinchi pomonae jopa judiomonae naexanaeyo.

<sup>11</sup>Barapomonaethabe Nacom catsina barapo coyenein tsipei Nacom tsita najupatsi daxita jiwí. <sup>12</sup>Pomonae jopa judiomonae naexanaeyo daxita barapomonae yaputane poxonae abe exana pia peitorobi coyenewan pexeinaexae. Icha barapomonae awiya eexanapona pocotsiwa xua abe, Nacom tsita natsicuentatsi. Barapomonae werapaena abe peexanaexae bequein jopa yaputaeyo Moisés pia peitorobi coyenewa tatsi. Pomonae judiomonae barapomonae yaputane Moisés pia peitorobi coyenewa tatsi. Daxota yaputane poxonae abe exana. Poxonae barapomonae abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi. <sup>13</sup>Pomonae jume tane Moisés pia peitorobi coyenewa tatsi xuano exana pocotsiwa itoroba, barapomonae Nacom tsita juntú coyene xanepanatsi. Pomonae saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonae Nacom jopa tsita juntú coyene xanepanaetsi.

<sup>14</sup>Pomonae jopa judiomonae naexanaeyo barapomonae jopa xeinaeyo Moisés pia peitorobi coyenewa tatsi. Ichitha ichacuitha barapomonae exana xua be pocotsi coyene Moisés pia peitorobi coyenewatha itoroba. Baxua barapomonae exana, tsipei pejuntũ coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonae baxuan exana be barompaya pia peitorobi coyenewan xeina pia juntũ coyenewantha.

<sup>15</sup>Poxonae barapomonae beta exana, baxua itapeinya xeina xua barapomonae pia juntũ coyenewantha xeina Nacom pia peitorobi coyenewa tatsi. Barapomonae yacuiya naexana. Barapomonae pia juntũ coyenein yaputane cana exanatsi xua poxonae wunae exana xuano xua poxonae ichacuitha abe exana. <sup>16</sup>Jemeicha jopæna matacabi po mataqueitha poxonae Nacom itorobina xua Jesucristo yabara paebina daxita jiwi xua pia penatsicuentsiwa xua abe peexanaexae Nacomtha. Barapo mataqueitha Jesucristo yabara paebina jiwi xua penatsicuentsiwa xua abe peexanaexae xua pocotsiwan namicha abeya peexanaexae matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonae cueicueijan Nacom pia pexeinya pecapanenebiyae diwesi jume.

**Meje yabara xua judiomonae yawa Moisés pia peitorobi coyenewa tatsi**

<sup>17</sup>Paxam papaebame, pajam: “Paxan seicaya judiomonaepiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom. <sup>18</sup>Barichi paxam papaebame xua pinae payaputaneme pocotsiwa xua Nacom pia peichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa. <sup>19</sup>Matautano atsaquiya papaebame, pajam: “Paxan pacuiduban pomonae jopa peyaputae jiwi Nacom. Yawa jume cowũnta pacana exanan pomonae jopa jume cowũntsiyo Nacom”, pajam. <sup>20</sup>Paxam pananta xeiname xua paca itacũpa xua pacuidubame pomonae Nacom jopa peyaputae jiwi. Barichi pananta xeiname xua paca itacũpa xua yaputane pacana exaname pomonae pena pejume cowũntsiwi. Paca itacũpa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan. <sup>21</sup>Poxonae ichamonae po coyenein yabara pacuidubame paxam jopa apara matha pajume yabara cowũntsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua irũ painya barichiwathamdũ. <sup>22</sup>Paxam pacuidubame xua jopa bewa ichũn piowa tatsi tapichichi xua irũ painya barichiwathamdũ. Paxam papaebame xua pinae paaichaxaibim ibo nacomũn, ichitha paxam pacaibame pocotsiwan xua jeba ibo nacomũn

pia botha tatsi. <sup>23</sup>Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi. <sup>24</sup>Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

<sup>25</sup>Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa peru muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae. <sup>26</sup>Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi. <sup>27</sup>Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha wuna paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba. <sup>28</sup>Pon jiwi tsitatsi xua pepa judiomonaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi. <sup>29</sup>Jame xua pepa judiomonaepin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexeinaewa Nacomtha xua pexanepanaewa. Saya apara meisa Nacom pia Pejumope tunaxu tatsi baxua exana. Jiwi wunaeya yabara paeba pomonae xua pewi thabiwichi. Ichitha nama Nacom wunaeya yabara paeba pontha pon icha juntu coyene xeina bapontha xua pexanepanaewa.

**3** <sup>1</sup>Metha beya ichun yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya



exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae. <sup>2</sup>Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonaetha”, jan tsipae. <sup>3</sup>Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowuntsiwa xua Nacom bexa exanaena pocotsiwa Nacom yabara tsiwuna muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwuna muxu dutsiwa?” jei tsipae. <sup>4</sup>Metha jan tsipae: “iJume, apara Nacom bapana jopa baxua exanae! Apara jame Nacom daxitan pexainyeiwantha exaneiba. Nacom bewa exaneibina baxuan bara bequein jiwi pemuxuitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye:

‘Nacom, poxonae cueicueijam jiwi yaputaena xua xam xainyeya bara nepaebin.

Bapoxonae jiwi jume amanayabame poxonae baxua exaname poxonae bequein jiwi cayabara paeba xua abe exaname’, jei David Nacom Pejume Diwesitha”, jan tsipae.

<sup>5</sup>Ichitha metha ichamonae jume coxonaya najume matsontsonobichipa jei tsipae: “Poxonae waxainchi abe exanatsi bapoxonae Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae coyenewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanae cuiru coyene waexanaexae?” jei tsipae barapomonae, xua saya paeba icha jiwi ichi pomonae jopa peyaputae jiwi. <sup>6</sup>Metha barapomonae jume notsipan, jan tsipae: “iJume apara, baxua jopa xainyeyo! Icha Nacom jopa xaniwaichiya exanaetsipae poxonae naca yabara paeba xua penatsicuentisiwa bapoxonae jopa itacupaetsipaetsi xua daxita yabara paebatsi jiwi xua penatsicuentisiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itacupaetsi xua daxita jiwi yabara paebatsi penatsicuentisiwa”, jan tsipae.

<sup>7</sup>Metha ichamonae jei tsipae: “Nacom jopa bewa naca yabara paebi penatsicuentisiwa tsane wanaca yabara paebinexa xua abe waexanaewan poxonae naerabiya cueicueijeichi. Poxoru poxonae naerabiya cueicueijeichi ichamonae tsita itapeinya xeinatsi xua Nacom

seicaya exana xua Nacom bichocono xainyeya pepaebin xvano xua Nacom bara peainya cuin”, jei tsipae barapomona. <sup>8</sup>Ichamona iru jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomona. Barapomona naerabiya paeba xua pinae xan barapo coyene cuiduban ichamona. Barapo naerabiya pepaebiwi xua neyabara jume caenaeraba, barapomona Nacom tsita natsicuentinchi abe taneyabara paebixae.

**Meje yabara xua daxitatsi pomonaetsi pomona Nacom  
watsita natsicuentiswichi abe waexanaexae bapontha**

<sup>9</sup>¿Waxainchi pomona judiomonaetsi Nacom tsitatsi xua jopa wanatsicuenti jiwichi xua beyacaincha pomona jopa judiomona naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiomonaetsi iru pomona jopa judiomona naexanaeyo daxitatsi abe waexanae jiwichi”, jan.

<sup>10</sup>Nacom Pejume Diwesitha baxua yabara jeye:

“iDapomona ajibi pomona xua xanepanaya  
peexanaewi, xua matautano bara caeinno!

<sup>11</sup>Matautano dapon ajibi pon ichichipa xua  
peyabara yaputaewa pexainyei coyenewa.  
Matautano dapon ajibi pon xua  
ichichipa penaponaewa Nacomtha.

<sup>12</sup>Daxita jiwí Nacom pentatsi yawano abe  
peexanae jiwí bichocono.

iDapon ajibi pon xua xanepanaya beta  
exana, xua matautano bara caeinno!

<sup>13</sup>Barapomona caunuta nawita pocotsiwa peabe  
jumein, icha muthu tsina ichi xua cawenabeina  
xua tuxamna baxoyareca pebocarecaexae pon tupa.

Bapomona pepaebiwantha ichamona  
muxujainyabeibatsi.

Barapo pepaebiwantha ichamona  
ajuntucoyenetane exanatsi, icha jomo ichi  
xua ichun sinatsi poxona bichocono atene  
exanatsi pewano tsapa pexeinaexae.

<sup>14</sup>Barapomona saya u cueicueijeí xua xuan peabe  
jumein, po jumein xua atsaca pepaebiwa.

<sup>15</sup>Barapomona bichocono ichichipa nawita xua  
ichamona bichocono atene peexanaewatsi  
xvano xua pejutebiwatsi.

<sup>16</sup>Daxita ichaxota poneiba barapomona,  
ichamona abe exaneibatsi.

Matautano exaneiba pocotsiwa ichamonaē  
ajuntucoyenetane cana exanatsi.

<sup>17</sup> Barapomonaē jopa yaputaeyo xua po coyene  
caemonaē nantiya jüntema jinompa  
penaexanaē coyenewa.

<sup>18</sup> Matautano barapomonaē jopa cunuwiyo Nacom xua  
abe peexanaeyainwatsi”, jei Nacom Pejume Diwesitha.

<sup>19</sup> Waxainchi yaputainchi xua daxita Nacom paeba Moisés pia peitorobi  
coyewatha baraxua judiomonaē nexa. Barapomonaē bewa exanaē  
Moisés pia peitorobi coyenewa tatsi. Ichitha judiomonaē jopa itacupaetsi  
xua peexanaewa barapo coyenewa. Barichi pomonaē jopa judiomonaē  
naexanaeyo jopa itacupaetsi xua peexanaewa baxua. Barapo coyeneya  
Nacom yaputane exana xua daxita jiwi jopa pepaebinexa xua pinae jopa  
abe peexanaewa barapo jiwi. Matautano Nacom tsita itapeinya xeina  
jiwitha xua Nacom yabara paebina xua penatsicuentiwa daxita jiwi xua  
abe peexanaexae bapontha. <sup>20</sup>Dapon ajibi pon itacupaetsi xua pejeiwa:  
“Xan bichocono tajuntū coyene xanepanaein xua Nacom jopa tatsita  
natsicuentisixae abe taexanaexae bapontha. Tsipei daxita yabara jume  
cuiya exanan pocotsiwa Moisés pia peitorobi coyewatha itoroba”, xua  
pejeiwa. Tsipei jame apara barapo Moisés pia peitorobi coyenewa tatsi  
naca yaputane exana xua waxainchi apara abe waexanaē jiwichi.

### **Meje yabara xua jiwi capanenebiyatsi pejume cowuntsixae Nacom**

<sup>21</sup> Ichitha anoxuae Nacom jiwi yaputane exanatsi po coyeneya bapon  
exana xua poxonaē jiwi juntū coyene xanepana exanatsi bapontha.  
Nacom jopa tsita natsicuentichi barapomonaē xua abe peexanaexae.  
Nacom baxua exana jopa poxoruyo xua peexanaexae pocotsiwa Moisés  
pia peitorobi coyewatha itoroba. Moisés pia peitorobi coyenewa tatsi,  
iru Nacom pia peitorobi jume pepaebiwi paeba xua bewa jiwi Nacom  
tsita juntū coyene xanepanaetsi. <sup>22</sup>Nacom juntū coyene xanepana cana  
exana jiwi poxonaē barapo jiwi jume cowunta Jesucristo. Nacom bara  
daxita najuntū coyene jupiya exana pomonaetha pomonaē pejume  
cowuntsiwi Jesucristo, poxoru Nacom tsita najupatsi barapo pejume  
cowuntsiwichi. <sup>23</sup>Tsita najupatsi yaitama daxita jiwi peabe coyenewan  
exana. Yawano barapo jiwi taseicatsi po coyene xua Nacom tsita  
xanepanatsi barapomonaē. <sup>24</sup>Ichitha Nacom peantobexae jopa tsita  
penatsicuentiswatsi barapo jiwi. Baxua Nacom amanaya taexana.  
Nacom pentoma exana xua jiwi pejuntū coyene xanepanaenexa poxonaē  
Cristo Jesús naetha tsitupa, xua jiwi tsitupatsi. <sup>25</sup>Nacom Pexanto  
itorobica, pon Cristo. Bapon jana pichapabarena poxonaē tsitupa jiwi pia  
peabe coyenewan tatsi. Nacom junteina jiwi pia peabe coyenewan  
poxonaē barapomonaē jume cowunta Cristo. Barapo coyewatha

Nacom yaputane exana xua bara jüntu coyene xanepana cana exana jiwi xua jopa Nacom petsita natsicuentiwatsi xua abe peexanaexae. Bayatha bapon beitemaya cui taetaepona jiwi abe pia peexanae cuiru coyenewan tatsi pomonae xua caena bayatha jinompa poxonae cataunxuae Jesús jopa tupaeyo. <sup>26</sup>Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitemaya cui taeyo jiwi abe pia peexanae cuiru coyenewan tatsi. Apara jame Nacom jüntu coyene xanepana cana exana jiwi poxonae Nacom yabara jüntemaina jiwi xua pia penatsicuentiwa xua abe peexanaexae. Baxua exana daxita pomonaetha pomonae pejume cowuntsiwi Jesús.

<sup>27</sup>Daxota waxainchi jopa naca itacupaeyo xua atsaquiya nayabara paebatsi xua beta waexanaewa. Waxainchi jopa najüntu coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apra wajume cowuntsixae Jesús, daxota bapon naca jüntu coyene xanepana cana exana Nacomtha. <sup>28</sup>Nama anoxuae waxainchi yaputainchi xua Nacom jüntu coyene xanepana cana exana pontha pon jume cowunta Jesús. Nacom jopa jüntu coyene xanepana exanaeyo poxonae bequein ichun ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

<sup>29</sup>Nacom jopa meisa apra judiomonae pia Nacom tatsi. Apra iru pomonae jopa judiomonae naexanaeyo barapomonae iru pia Nacom tatsi. <sup>30</sup>Icha Nacom ajibi, saya meisa bapon Nacom nacata bara compa. Barapo Nacom jüntu coyene xanepana cana exana jiwi, pomonaetha pomonae jume cowunta Jesucristo, bequein pomonae wi thabatsi xuano bequein pomonae jopa wi thabichi. <sup>31</sup>Waxainchi jopa nacui barapentichi Moisés pia peitorobi coyenewa tatsi yaitama jume cowuntatsi Jesús. Jame poxonae xaniwaicha jume cowuntatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

#### Meje xua Abraham yabara

**4** <sup>1</sup>Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, iruru daxita judiomonae pia pamo susatopin tatsi pon caena bayatha tupa. <sup>2</sup>Abraham jopa pia coya najüntu coyene xanepana exanaeyo xua jopa Nacom petsita natsicuentiwatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi. <sup>3</sup>Nacom Pejume Diwesitha Abraham yabara paebatsi, jeye: “Abraham jume cowunta Nacom. Peyabara jume cowuntsixae pocotsiwa xua Nacom exanapaeba, Nacom jüntu coyene xanepana cana exana bapon”, jei Nacom Pejume

Diwesitha. <sup>4</sup>Poxonae jiton ba tanacuita ichun, jopa jiton pentoma becatsichi xua saya amanaya nexa poxoru ichun peyabara nanta xeinaexae bapon. Jame jiton ba bewa pentoma catsichi xua poxoru penacuichixae. <sup>5</sup>Ichitha nama Nacom seicayiia exana. Pon yabara jume cowunta pocotsiwa Nacom exanapaeba xua Nacom peyabara junte mainaenexa xua bapon pia penatsicuentisiwa tatsi, bara Nacom yawena bapon. Barapo jiton Nacom tsita juntu coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane. <sup>6</sup>David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntu coyene weiweina. Jeye: “Pon peyabara jume cowuntsixae pocotsiwa Nacom exanapaeba, Nacom juntu coyene xanepana cana exana. Jopa apara Nacom juntu coyene xanepana exanaeyo xua poxoru bapon wunaeya xanepanaya peexanaexae. Apara poxoru Nacom peichichipaexae, daxota baxua exana”, jei David. <sup>7</sup>Equeicha David jei:

“Juntu coyene weiweina pomonae Nacom yabara junte maina xua puxana exana abe pia peexanae cuiru coyenewan tatsi.

<sup>8</sup> Juntu coyene weiweina pon Nacom jopa tsita natsicuentisichi xua abe peexanaexae”, jei David.

<sup>9</sup>Po pejuntu coyene weiweinaewa xua David yabara paeba, meisa saya u pomonae pewi thabiwichi jopa nexiyo. Apara barapo pejuntu coyene weiweinaewa iru pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowunta pocotsiwa Nacom exanapaeba, daxota Nacom juntu coyene xanepana cana exana bapon xua jopa Nacom tsitatsi xua Abraham penatsicuentisiwa xua abe peexanaexae. <sup>10</sup>Abraham jopa juntu coyene xanepana exanaetsi poxonae nacana cui wetatsi xua pewi thabiwatsi. Apara Nacom Abraham juntu coyene xanepana exanatsi poxonae cataunxuae jopa wi thabichi. <sup>11</sup>Abraham peyabara jume cowuntsixae pocotsiwa Nacom exanapaeba, Nacom juntu coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntu coyene xanepana exana Abraham, peyabara jume cowuntsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi xua Abraham be coxiyun poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowuntsiwixaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom iru yabara nanta xeina xua bara iru

barapomonaē jūntu coyene xanepana bapontha. <sup>12</sup>Barichi Abraham be coxiyūn cana exanatsi, xua pomonaē bayatha pewi thabiwichi barapomonaē be pia pecanamataxeinaeinchi. Jopa Abraham be coxiyūn cana exanaetsi xua poxoru barapomonaē pewi thabixaetsi. Jame apara be coxiyūn cana exanatsi poxoru irū peyabara jume cowūntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonaē wi thabatsi.

**Meje yabara xua poxonaē Nacom cata pia peyabara  
tsiwūnaē muxu dutsiwa, Abraham catatsi**

<sup>13</sup>Nacom yabara tsiwūnaē muxu duta Abrahamtha irū pia pemomoxi susato jiwitha tatsi. Nacom yabara tsiwūnaē muxu duta xua catsina daxita barapo cae pin nacue Abrahamtha, irū pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwūnaē muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonaē bayatha Abraham tupa. Apra Nacom cata barapo yabara petsiwūnaē muxu dutsiwa poxoru Abraham peyabara jume cowūntsixae pocotsiwa Nacom exanapaeba. Daxota Nacom yabara tsitatsi xua bara Abraham pejūntu coyene xanepanaein bapontha.

<sup>14</sup>Icha pomonaē xeinaetsipa pocotsiwa Nacom yabara tsiwūnaē muxu duta, icha barapomonaē apara barapomonaē tsipae pomonaē exana daxita pocotsiwa Moisés pia peitorobi coyenewatha itoroba bapoxonaē barapomonaē jopa nantawenonaetsipae xua yabara jume cowūnta pocotsiwa Nacom exanapaeba. Matautano pocotsiwa xua Nacom yabara tsiwūnaē muxu duta barapomonaē jopa tsita xainyei tsipaetsi. <sup>15</sup>Ichitha baraxua jopa xainyeyo, tsipei Moisés pia peitorobi coyenewa saya exana xua jiwī atene peexanaewatsi. Atene exanatsi poxoru jiwī beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonaē jopa xeinaeyo Moisés pia peitorobi coyenewa, barapomonaē Nacom jopa tsita penatsicuentisiwatsi xua abe peexanaexae xua poxonaē jopa exanaeyo barapo peitorobi coyenewa.

<sup>16</sup>Daxota Nacom yabara tsiwūnaē muxu duta Abrahamtha peyabara jume cowūntsixae pocotsiwa Nacom exanapaeba. Nacom pia yabara petsiwūnaē muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonaē peexanaewi xua Moisés itoroba. Apra Nacom irū cata pomonaetha pomonaē pejume cowūntsiwichi icha Abraham ichi poxonaē jume cowūnta Nacom. Bapon Abraham be coxiyūn cana exainchi xua daxita waxainchi be xua wanacanamataxeinaein, copiya pejume cowūntsixae. <sup>17</sup>Nacom jeye Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua

xam compam daxita nacuanpiwi cacanamata caexanatsi be coxiyũm”, jei Nacom Pejume Diwesitha. Daxota barapo yabara petsiwũnae muxu dutsiwa Nacom tsita coyene xanepanatsi. Barapon Nacom Abraham yabara jume cowũnta pocotsiwa Nacom exanapaeba. Matautano barapo Nacom equeicha asu exana pomonae bayatha werapa. Matautano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae abũ jopa forotsiyo bapocotsiwan.

<sup>18</sup> Abraham poxonae nawei wetaba xua jopa itacũpaetsi xua pexeinaewa pexui, awiya cataunxuae yabara jume cowũntsiya wũnae ewata pocotsiwa Nacom exanapaeba. Bapon jume cowũntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowũnta pocotsiwa Nacom exanapaeba pocotsiwa yabara tsiwũnae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyũn. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom. <sup>19</sup> Abraham jopa jũntũ coyene natsepaeyo xua peyabara jume cowũntsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon irũ piowa tatsi Sara bara imoxoyo methaunxuae tũpaenabe. Abraham piseuribe bichocono perunbe. Matautano yaputaneno xua Sara jopa itacũpaetsi xua pexui pexeinaewa. <sup>20</sup> Bapon Abraham jopa ainya muxu xeinaeyo. Matautano jopa nacui baraxubiyo xua peyabara jume cowũntsiwa pocotsiwa Nacom exanapaeba xua pocotsiwa Nacom yabara tsiwũnae muxu duta xua pinae Abraham pexanto xeinaena. Jame bapon Abraham beta xaniwaicha jume cocowũntapona. Abraham wũnae jaintapona Nacom. <sup>21</sup> Baxua Abraham exanapona poxoru bara yatsicaewa yaputane xua Nacom itacũpatsi xua peexanaewa pocotsiwa xua bapon yabara tsiwũnae muxu duta. <sup>22</sup> Abraham peyabara jume cowũntsixae pocotsiwa Nacom exanapaeba, daxota bapon Nacom tsitatsi xua bapon bara peyabara jũntũ coyene tsita xanepanaeinchi xua jopa petsita natsicuentisixae abe peexanaexae bapontha.

<sup>23</sup> Po jumein xua bayatha Abraham yabara paebatsi xua jeye: “Nacom tsitatsi xua bapon bara pejũntũ coyene xanepanaein xua jopa petsita natsicuentisixae abe peexanaexae bapontha”, jei, barapo jumein jopa meisa tinaeyo xua bapon nexa. <sup>24</sup> Barapo jumein xua po jumein tina apara irũ bara waxainchi nexa xua naca yabara paebarũ. Wajume cowũntsixae Nacom, daxota Nacom tsitatsi xua bara waxainchi irũ wajũntũ coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cowũntatsi pocotsiwa Nacom exanapaeba, pon Jesús asu exanatsi petũpae cuiru coyene weya,

pon Wanacanamataxeinaein. <sup>25</sup>Nacom itoroba xua bapon Jesús naca tsitupa abe waexana cuiru coyenewan. Matautano Nacom asu exanano, xua Jesús asu petupae cuiru coyene weya xua wanaca cana exanaenexa xua jopa Nacom watsita natsicuentisiwa tsane xua abe waexanaexae bapontha.

**Meje yabara xua Nacom wanaca cana exanaewa xua jopa wanatsicuentisiwa tsane bapontha, xua abe waexanaexae**

**5** <sup>1</sup>Nacom naca cana exana xua bapon jopa watsita natsicuentisiwa tsane abe waexanaexae bapontha. Baxua Nacom naca cana exana wayabara jume cowuntsixae pocotsiwa Nacom exanapaeba. Daxota waxainchi juntea dubenanaebiyatsi Nacom peitutha tatsi Jesucristo wanaca tsitupaexae, pon Wanacanamataxeinaeinxae. <sup>2</sup>Cristo wajume cowuntsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae ajuntucoyenesuya jinompatsi. Yawa waxainchi juntu coyene weiweinatsi wawunaewatsixae xua bexa iru xeinaeinchi pebaru cui itura jinaewa po pebaru cui itura jinaewa jiwi Nacom tsita xeinatsi peainya cuinxae icha bapon ichi. <sup>3</sup>Jopa meisa baxua nexiyo, jame yawa juntu coyene weiweineibatsi poxonaewatsixae naca atene exaneiba. Tsipei waxainchi yaputainchi xua wanaca juntu coyene ayapusu exanaewa xua daxota jopa waaitaconaewa poxonaewatsixae bequein ichamonaewatsixae naca atene exana. <sup>4</sup>Poxonaewatsixae ajuntucoyeneyapusuya jinompatsi xua daxota jopa waaitaconaewa poxonaewatsixae bequein ichamonaewatsixae naca atene exana, bapoxonaewatsixae Nacom naca weyatane xua bara beta waexanaewa. Poxonaewatsixae Nacom naca weyatane, baxua naca cana exana xua wawunaewatsixae ewatsiwatsi xua Nacom nacata exanaena pocotsiwa yabara naca tsiwunaewatsixae muxu duta. <sup>5</sup>Barapo wawunaewatsixae ewatsiwa jopa naca juntu coyene cana exanaeyo xua wajuntu coyene wecoyeiwa xua jopa wataexae pocotsiwa wawunaewatsixae ewatsiwa. Nacom bichocono naca juntu coyene yuca cana exana pia peantobe coyenewa pia Pejumope tunaxutha. Barapo pia Pejumope tunaxu tatsi naca nacana jumope cata wajuntu coyenewatha.

<sup>6</sup>Poxonaewatsixae waxainchi jopa naca itacupaeyo xua wacoutha wanacapanenebiwa, bapoxonaewatsixae Cristo naca tsitupa abe waexanaewatsixae cuiru coyenewan nexa. Bapon Cristo tupa poxonaewatsixae po mataqueitha Nacom copata xua bapon petupaewa tsaneba. <sup>7</sup>Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichun peita araranaewatsi xua peyapu cabocaewa xua daxota petupaewa bequein barapo ichun daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiuntabe, jopa ichipaeyo xua petupaewa. Ichitha ichacuihata tsipae metha jiton yaita araranaetsipa xua peyapu cabocaewa xua daxota petupaewa



pon xanepanaya petaexanaein ichamonae. <sup>8</sup>Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxonae Cristo naca yapu caboca xua wanaca tsitupaewa bara bequein cataunxuae abe waexanae jiwichi. <sup>9</sup>Nacom naca exana xua waxainchi pejuntũ coyene xanepanae jiwichi xua poxonae jopa natsicuentisichi bapontha abe waexanaexae, xua poxonae Cristo naca tsitupa. Bapoxonae yawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisiwa xua abe peexanaexae, barapo mataqueitha Nacomtha jopa natsicuentisi tsainchi xua abe waexanaexae. <sup>10</sup>Copiyatha waxainchi Nacom pia peaitafaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitupaexae. Ichitha anoxuae Nacom pia jiwi tatsixaetsi, Jesucristo naca capanenebiya pia peasũ poponae coyenewatha. <sup>11</sup>Jopa meisa baxuiyo, jame jũntũ coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamataxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

### Meje xua Adán yabara irũ Cristo yabara

<sup>12</sup>Caein pon xua copiya abe exana barapo cae pin nacuathe, bapon Adán. Bapon caena bayatha tupa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana. <sup>13</sup>Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonae pexeinaewa penatsicuentisi coyenewa bapontha bequein barapomonae abe exanaetha. <sup>14</sup>Ichitha po dapaetha poxonae Adán popona weya xua beya poxonae irũ Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeicapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

<sup>15</sup>Pocotsi coyene xua Adán naca tsiexana jopa be ichiyo xua pocotsi coyene naca tsiexana Jesucristo. Jiwi nawita werapa poxoru caein abe

pecanamata exanaexae bapon Adán. Ichitha Nacom amanaya naca tsiexana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsiexana bichocono peainya cui coyene, beyacaincha po cui coyene Adán naca tsiexana. Barapo coyene Nacom naca tsiexana xua peantobexae daxita jiwi peyawenaenexa ayei jiwitha. <sup>16</sup>Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsiexana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitupaexae jiwi. <sup>17</sup>Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusu beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonae jopa xeinaeyo penatsicuentisi coyenewa bapontha bequein barapomonae abe exana taetha. Barapomonae Jesucristo ayapusuya nanabarũ yawa popona penanabarũ yawa itorobinexa tsane ichamonaetha.

<sup>18</sup>Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonae pejume cowuntsixae Jesucristo itacupatsi xua ataya asu jinompaena. <sup>19</sup>Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomonae Nacom capanenebiya exana xua pia penatsicuentisi coyenewa weya, xua abe peexanaexae.

<sup>20</sup>Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanaponae jiwi poxonae jopa yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponae

xua peyawenaenexatsi barapomonaē. <sup>21</sup> Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi coyenewa xua abe peexanaexae. Nacom jiwi catatsi peajuntuyapusu coyenewa po peajuntuyapusuwa ataya tsiteca Jesucristo pon Wanacanamataxeinaein wanaca tsitupaexae.

**Meje yabara xua waxainchi asu jinompatsi  
caemonae wanaexanaexae Cristotha**

**6** <sup>1</sup> Waxainchi jopa bewa abe eexanaponaeinchi xua Nacom wanaca yayawenaponaenexa xua daxota wayaputaenexa xua bara Nacom naca antobe. <sup>2</sup> Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaēin ichi, xua jopa itacupaetsi xua equeicha abe peexanaewa, tsipei bayatha tupa. <sup>3</sup> Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jesustha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa. <sup>4</sup> Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupae cuiru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayapusu itorobi coyenewatha.

<sup>5</sup> Tsipei waxainchi be caemonae nanaexanaeinchi po petupae coyenewatha poxonae bapon tupa. Barichi tsane poxonae equeicha asu naca exanaena petupae cuiru coyene weya icha matha Cristo ichichi poxonae asu exainchi petupae cuiru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petupae cuiru coyene weya, naca barichi tsane. Nacom equeicha asu naca exanaena petupae cuiru coyene weya caemonae wananaexanaexaetsi Cristotha poxonae be naca yawa tupa Cristo.

<sup>6</sup> Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane. <sup>7</sup> Daxota ba pon xua bayatha tupa

jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane. <sup>8</sup>Waxainchi Cristo naca cayawa tupa, daxota jume cowantatsi xua bexa bapon Cristo baru jinompaeinchi. <sup>9</sup>Waxainchi yaputainchi, xua poxonae Cristo equeicha asu exanatsi petupae cuiru coyene weya, bapoxonae bapana equeicha jopa tupa exanae tsainchi. <sup>10</sup>Poxonae Cristo tupa bapon saya bara cae coyenewatha tupa xua daxita jiwí nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane. <sup>11</sup>Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nenaexanaexae Cristo Jesustha.

<sup>12</sup>Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan. <sup>13</sup>Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asu exanatsi xua jopa equeicha abe exanaeyo. <sup>14</sup>Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

**Meje yabara xua waxainchi bewa exanaetsi pocotsiwa pexainyei coyenewa**

<sup>15</sup>¡Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apará Nacom naca itoroba wanaca yawenaenexa xua wanaca antobexae. <sup>16</sup>Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae

barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya jũntũ coyenein xanepana xua jopa painya nenatsicuentsiwa abe painya exanaexae bapontha. <sup>17</sup>Ichitha baxua yabara Nacom tsipaeban, janje: “Nacom maisa jũntũ coyene weiweinan, barapo Roma tomarapiwi pia peexanaexae. Tsipei copiya Ʃ saya xua abe coyenewan peexanaewi. Ichitha anoxuae barapomonae cajume cowũnta. Barapomonae bichocono jume cowũnta pia jũntũ coyenewatha pocotsiwa pexainyei jume xua barapomonae nacuiduba”, janje Nacomtha. <sup>18</sup>Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam. <sup>19</sup>Xan cueicueijan pocotsi jumeintha xua jiwi itacũpatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita jũntũ coyene xanepanaya jinompame.

<sup>20</sup>Poxonae cataunxuae saya Ʃ painya neexanaewi abe peexanae coyenewan, bapoxonae jopa Ʃ painya neexanae jiwi pocotsiwa pexanepanae coyenewan. <sup>21</sup>Poxonae bayatha peabe coyenewan paexaname baraxua apara jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane. <sup>22</sup>Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apara poxonae Nacom paca jũntũ coyene xanepana cana exana bapontha. Matautano Nacom paca catsibina pocotsiwa peajũntũcoyenesũwa po peajũntũcoyenesũwa ataya tsiteca. <sup>23</sup>Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apara po coyene xua peajũntũyapusũ coyene po peajũntũyapusũ coyene ataya tsiteca. Barapo peajũntũyapusũ coyenewa naca cana exana xua caemonae naexainchi Cristo Jesustha, pon Wanacanamataxeinaein.

**Meje yabara xua po peitorobi coyenewa poxonae jitha peecaewa yabũyo**

**7** <sup>1</sup>Tamonae pam, pomonae pam pomonae irũ painya nejume cowũntsi jiwixae Jesucristotha. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba

barapo peitorobi coyenewatha poxonaē cataunxuae jinompa barapo cae pin nacuathe. Ichitha poxonaē jiwi werapa barapomonaē jopa equeicha bewa exanaē pocotsiwa barapo peitorobi coyenewa itoroba. <sup>2</sup>Paca tsipaebatsi peyabara jūta paebiwa: Petsiriwa powa xeina piseuri bewa piseuritha cuicuinaē pepaebixae barapo peitorobi coyenewa, xua poxonaē pia pebin tatsi awiwa asu popona. Ichitha icha barapowa pia pebin tatsi tatūpatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi. <sup>3</sup>Daxota icha barapowa isa maiteca icha pebin xua nasi cui exana icha pebintha poxonaē cataunxuae barū popona pia pebin, bapowa bapoxonaē Nacom tsita natsicuentatsi xua abe peexanaexae. Ichitha icha bapowa pia pebin tatsi tatūpatsi barapowa itacūpatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonaē baxua exana, tsipei barapo peitorobi coyenewa jopa yabara paebiyō baxua.

<sup>4</sup>Tamonae pam, paxam pomonaē irū painya nejume cowūntsiwixae Jesucristo. Barichi bara jūta ichi poxonaē Cristo tūpa, paxam irū be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxeiname ichūn pon paca itoroba. Baraxua barichi icha yabūyo ichi xua pita icha pebin pon bapowa itorobatsi poxonaē piseuri tatsi tatūpatsi. Anoxuae paxam Cristo piamonaē tatsi pam, pon equeicha asu exanatsi petūpae cuiru coyene weya. Barapo coyenewatha Nacom naca cana exana xua wanaca itacūpaewa xua waexanaewa tsane pocotsiwa xanepana Nacom nexa. <sup>5</sup>Poxonaē waxainchi copiya jume cowūntatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajūntū coyenewatha ichichipatsi nawita xua waexanaewa barapo abe peexanaē coyenewan poxonaē jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane. <sup>6</sup>Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacūpaetsi xua wanaca itorobiwa. Daxota anoxuae naca itacūpa xua watanacuichiwa Nacom. Waxainchi xeinatsi pena jūntūbū coyene po pena jūntū coyene Nacom pia Pejumope tūnaxū tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

**Meje yabara xua Pablo jeye: “Meje xua po peabe exanaē coyene xeinan”, jei.**

<sup>7</sup>Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa

poxonae yabara uwiya ichichipan pocotsiwan ichamonae xeina. Ichitha barapo peitorobi coyenewa naca tsipaeba, naca jeye: “Jopa yabara uwiya paichichipaeinde pocotsiwa xua ichamonae xeina”, jei barapo peitorobi coyenewa. <sup>8</sup>Poxonae copiya jume cowuntan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonae piawan. Ichitha jame ichichipan nawita tajuntũ coyenewatha xua taxeinaewa tsane xua ichamonae piawan poxonae jume tan xua jopa bewa ichichipaein tsane xua taxeinaewa tsane ichamonae piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxeinaewa pocotsiwa ichamonae piawan. <sup>9</sup>Caena bayatha poxonae jopa yaputaeinyo Moisés pia peitorobi coyenewa xan saya juntea poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonae piawan peuwiwa yabara, awiya bichocono abe exanaponan. Bapoxonae bara be tatũpae coyenewaba tsipei jopa juntea tapoponaewa abe taexanaexae. <sup>10</sup>Barapo Moisés pia peitorobi coyenewa tatsi Nacom cata xua jiwi pejuntũ coyene weiweinaenexa xua poxonae pejuntũ coyene xanepanaewa tsane. Poxonae jiwi jume cowuntsiya exana daxita xua barapo coyenewatha itoroba, barapo jiwi bexa tsane xeinaena peajuntũyapusũwa xua bara ataya tsane xeinaena. Daichitha barapo coyenewa wecoyei necana exana tsipei bewa tatũpae coyenewa tsane poxoru jopa neitacũpaeyo xua exanan daxita xua barapo coyenewa itoroba. <sup>11</sup>Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajuntũyapusũwa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita itũta xua bewa tũpaein tanatsicuentiswaxae abe taexanaexae Nacomtha.

<sup>12</sup>Daxita po peitorobi coyenewan Nacom cata Moísestha daxita bara wũnae, yawa bara pexainyei coyenewan. <sup>13</sup>Barapo Moisés pia peitorobi coyenewa jopa necana exanaeyo xua bewa tũpaein tanatsicuentiswaxae abe taexanaexae Nacomtha. Apara jame barapo abe taexanae coyene necana exana xua be tũpaein tanatsicuentiswaxae abe taexanaexae Nacomtha. Bequein barapo Moisés pia peitorobi coyene tatsi wũnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

<sup>14</sup>Yaputainchi xua Moisés pia peitorobi coyenewa tatsi apara xanepana, Nacom weya pejume pichipaexae. Ichitha poxoru saya jiton juntũ coyeneya taxeinaeinxae tajuntũ coyene necana exana xua abe taexanaewa. <sup>15</sup>Tsipei jopa xapain yaputaeinyo pocotsiwa xua exanan, poxoru jopa exanaeinyo pocotsiwa xua xanepana xua pocotsiwa

ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apara baxua exaneiban. <sup>16</sup>Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan. <sup>17</sup>Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua tajuntũ coyenewatha xeinan, barapo coyene necana exana xua apara abe taexanaewa. <sup>18</sup>Tsipei xan yaputan xua xeinan jiton pia coyene. Daxota jopa xeinaeinyo pexanepanae coyenewa. Bequein ichichipan xua xanepanaya taexanaewa, ichitha jopa neitacũpaeyo xua baxua exanan tacoutha. <sup>19</sup>Jopa exanaeinyo po pexanepanae coyenewa bequein ichichipaethan xua taexanaewa. Ichitha ƚ exanaponan po abe peexanae coyenewan bequein aichaxaibithan xua taexanaewa. <sup>20</sup>Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacũpaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntũ coyenewatha xeinan, barapo coyene necana exana xua equeicha mataropeicha abe taexanaewa.

<sup>21</sup>Daxota nayaputan pocotsiwa exaneiban tajuntũ coyenewatha, xua poxonae bequein ichichipan beta taexanaewa tsane bapoxonae abe exaneiban. <sup>22</sup>Bichocono ichichipeiban tajuntũ coyenetha Nacom Pejume Diwesi tatsi. <sup>23</sup>Ichitha yaputan xua po peabe coyenewa tajuntũ coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

<sup>24</sup>¡Ooo, jopa taxanepanae tsocuaeinyo! ¡Jopa tajuntũ coyene wũnae tsocuaeinyo! ¿Jintam metha necapanepaena barapo tapepon weya po pepon xua bewa tũpaena? <sup>25</sup>Daxota Nacomtha janje: “Nacom juntũ coyene weiweinan xua Jesucristo, pon Tanecanamataxeinaein, itacũpatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntũ coyenewatha exanan pocotsiwa xua abe taexanaewa.

**Meje yabara xua peajuntũyapusũya pejinompaewa po peajuntũyapusũwa Nacom pia Pejumope tũnaxũ tatsi naca cata**

**8**

<sup>1</sup>Dapon ajibi pon itacũpatsi peyabara paebiwa xua pomonae caemonae penaexanaewi Cristo Jesthath natsicuenta abe peexanaexae Nacomtha. <sup>2</sup>Nacom pia Pejumope tũnaxũ tatsi naca cata



peajuntuyapusuwa xua wajinompae coyenewanexa xua caemonae xua wanaexanaexaetsi Cristo Jesustha. Barapo Nacom pia Pejumope tñaxu tatsi neyawena pia peayapusu itorobi coyenewatha. Necapanepa exana po peitorobi coyene weya xua neitoroba xua abe taexanaewa. Matautano necapanepa exana xua po peitorobi coyene weya tupa necana exana. <sup>3</sup>Moisés pia peitorobi coyenewa tatsi jopa itacupaetsi xua jiwi capanenebiya exainchi abe pia peexanae cuiru coyenein weya. Jiwi jopa itacupaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca peru coyene jupa, po pepontsi xua abe waexanae jiwichi. Poxonae Cristo tsitupa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacupaenexa tsainchi xua wanaca cana exanaewa tsane xua equeicha abe waexanaewa tsane. <sup>4</sup>Nacom baxua exana xua waxainchi wanaca itacupaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacupa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumope tñaxu tatsi wanaca itorobixae.

<sup>5</sup>Pomonae exana dubenanaebiya pocotsiwa pia pepon ichichipa exana, saya barapomonae yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tñaxu tatsi ichichipa, barapomonae saya yabara nanta xeina xua xanepanaya peexanae coyenewa pocotsiwa Nacom nexa. <sup>6</sup>Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coyene. Iru icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumope tñaxu tatsi ichichipa, barapomonae xeinaena peajuntuyapusuwa po peajuntuyapusuwa xua bara ataya tsane. Matautano xeinaena juntema pejinompae coyenewa. <sup>7</sup>Pomonae saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonae apara Nacom pia peaitafaetabi jiwichi. Barapomonae jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacupaetsi xua peexanaewa barapo coyene. <sup>8</sup>Pomonae naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonae Nacom jopa tsita xanepanaetsi.

<sup>9</sup>Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompame icha be pocotsi coyeneya Nacom

pia Pejumope t̄nax̄u tatsi ichichipa, icha barapo jumope yatsicaewa paca bar̄u jinompa. Pon jopa Nacom pia Pejumope t̄nax̄u tatsi bar̄u poponaetsi, bapon jopa Cristo pijimonae tatsi. <sup>10</sup>Ichitha icha Cristo paca bar̄u popona, Nacom pia Pejumope t̄nax̄u tatsi paca cana exana xua jopa painya nenatsicuentiswam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nej̄unt̄u coyene xanepanaexae Nacomtha. <sup>11</sup>Nacom pia Pejumope t̄nax̄u tatsi Jesús as̄u exanatsi pet̄upae cuiru coyene weya. Icha Nacom pia Pejumope t̄nax̄u tatsi paca bar̄u popona, bapoxonae Nacom as̄u exanaena painya pepon, po pepon xua werapaena. Baxua Nacom pacata exanaena, icha Nacom pia Pejumope t̄nax̄u tatsi ichi poxonae Cristo as̄u exanatsi pet̄upae cuiru coyene weya. Baxua Nacom exanaena painya nepaca bar̄u jinompaexae Nacom pia Pejumope t̄nax̄u tatsi.

<sup>12</sup>Tamonae pam, paxam pomonae ir̄u painya nejume cow̄antsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane. <sup>13</sup>Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonae pawerapaename. Ichitha jame paexana dubenanaebiyama pocotsiwa Nacom pia Pejumope t̄nax̄u tatsi paca cui itoroba xua painya neexanaewa tsane. Bapoxonae jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonae bexa tsane aj̄unt̄us̄uya pajinompaename Nacom pia nacuatheicha.

<sup>14</sup>Daxita pomonae Nacom pia Pejumope t̄nax̄u tatsi itorobiya ewata, barapomonae bara Nacom pia pexui tatsi. <sup>15</sup>Nacom paca nacana jumope cata. Barapo pejumope jopa paca cana exanaeyo pomonae be painya nepaca busi cui tatayebeibi jiwi pam xua ichamonae amanaya painya netanacuichi jiwi pam, xua daxota equeicha pajunuwame. Jame barapo Nacom pia Pejumope t̄nax̄u tatsi paca cana exana xua Nacom pia pexui tatsi pam. Barapo Nacom pia Pejumope t̄nax̄u tatsi naca exana xua barompaya wajeiwa: “Axa”, wajeiwa Nacomtha. <sup>16</sup>Nacom pia Pejumope t̄nax̄u tatsi ir̄u waj̄unt̄u coyenewa natsipaebabe xua pinae bara Nacom pia pexui tatsi wanaexanaewichiba. <sup>17</sup>Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca j̄untana jebiwa xua bexa tsane naca catsibina. Barapocotsiwa bayatha yabara naca tsiw̄nae muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo bar̄u xeinaeinchi pocotsiwa Nacom wanaca j̄untana jebiwa. Nacom naca catsibebina po pexeinya peit̄upanae coicha xua bayatha Cristo catatsi.

**Meje yabara xua Nacom piamonaetha catsicaena  
pia pexeinya peitupanae coicha**

<sup>18</sup>Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Matautano yaputan xua Nacom cata pia pexeinya peitupanae coicha Jesustha. Barichi naca catsibina barapo pexeinya peitupanae coicha po pexeinya peitupanae coicha xua jopa juniya wunaeyo. <sup>19</sup>Daxita po jiwi Nacom forota barapo cae pin nacuathe, barapo jiwi wunae weyataeya ewata po mataqueitha poxonae Nacom tsita itutsina piamonae. Nacom tsita itutsina piamonae xua daxita jiwi peyaputaenexa tsane xua xaniwaicha barapomonae apara Nacom pia pexui. <sup>20</sup>Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana juntu coyene weta exana xua pejopaewa tsane maticabi po mataqueitha xua barapo cae pin nacue pena nacua naexanaena.

<sup>21</sup>Barapo cae pin nacuathe xua pena nacua, jiwi jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom wunae cana exanaena, icha pijimonaetha cana ichi tsane xua pijimonae tatsi bichocono wunaeya xanepana naexanaena. <sup>22</sup>Waxainchi yaputainchi daxita baxuan xua pejinompaewan xua Nacom peforotsiwan caena bayatha atene xua beya anoxuae. Atene icha yabuyo ichi xua bichocono atene poxonae imoxoyo pexuyo tanaexanatsi. <sup>23</sup>Daxita baxuan meisa jopa ateneyo. Bara iru waxainchi daxitatsi atenetsi bequein Nacom pia Pejumope tunaxu tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajuntucoyenerewetsi xua junthuthu wecoyeichi, poxonae waxainchi ewatatsi po mataqueitha poxonae Nacom yatsicaewa naca cana exanaena pia pexuichi, xua barichino naca catsibinano pena pepon. <sup>24</sup>Poxonae Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abu wunae ewatatsi. Icha waxainchi xeinaeinchi pocotsiwa xua wunae ewatatsi bapoxonae jopa nantawenonaetsi xua came wunae ewatatsi, tsipei bayatha xeinaeinchiba. Poxoru jiton ba jopa came wunae ewatsiyo pocotsiwa xua bayatha xeinaba. <sup>25</sup>Ichitha icha wunae ewatatsi pocotsiwa xua came jopa xeinaetsi bapoxonae bewa wunae ewatichi xua jopa bepijawa aitaconaetsi.

<sup>26</sup>Barichi Nacom pia Pejumope tunaxu tatsi naca yawena tsipei waxainchi wajuntu coyene faefaenaewi. Waxainchi jopa yaputaetsi xua

betiya cuitiya wūcatsi Nacom. Ichitha poxonaē jūntū coyene bojeichi, poxoru jopa wanaca itacūpaewa xua po jumetha wacaunutsiwa, bapoxonaē Nacom pia Pejumope tūnaxū tatsi nacata wūca Nacomtha. <sup>27</sup>Nacom, bapon yaputane pocotsiwa xua jiwi pia jūntū coyenewatha nanta xeina. Matautano barapon yaputane pocotsiwa Nacom pia Pejumope tūnaxū tatsi ichichipa paeba jiwi nexa. Nacom pia Pejumope tūnaxū tatsi Nacom wūcatsi icha be pocotsi coyeneya Nacom ichichipa pomonaē xua Nacom piamonaē tatsi nexa.

**Meje yabara xua waxainchi amanayabatsi po  
coyenein xua bequein naca atene exana**

<sup>28</sup>Waxainchi yaputainchi xua daxita po coyenein xua nacata exana bequein wūnaē, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaētha pomonaē pia peantobexaetsi. Barapomonaē Nacom waba petaxanaewa tsainchi pocotsiwa bapon ichichipa. <sup>29</sup>Caena bayatha poxonaē aena nacia forota, Nacom tsiwana yaputane barapomonaē pomonaē pejume cowūntsiwichi tsainchi. Matautano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi. <sup>30</sup>Pomonaē xua Nacom itapeta xua caena bayatha xua copiya poxonaē aena nacia forota, bara yawano Nacom waba xua peexanaenexa pia pexui tatsi. Pomonaē Nacom pewabixae bara yawano exana xua barapomonaē jopa penatsicuentsiwa xua abe peexanaexae pecatsixae pejūntū coyene xanepanaewa bapontha. Pomonaē xua Nacom pejūntū coyene xanepana exanaexae, bara yawano yabara tsiwūnaē muxu duta xua barapomonaē naexanaena icha be Nacom Pexanto tatsi ichi.

<sup>31</sup>Anoxuae waxainchi yaputainchi xua Nacom naca yawena daxota dapon ajibi pon naca jūntū coyene amanayaba xua abe wanaca exanaenexa. <sup>32</sup>Poxoru Nacom Pexanto jopa asiwiyo daxota Nacom copata xua wanaca tsitūpaenexa. Daxita waxainchi yaputainchi xua daxota daxitan coyenein Nacom amanaya naca catsiba po coyenein canamatawenonatsi. <sup>33</sup>Dapon ajibi xua itacūpatsi yabara paeba xua pinae Nacom tsita natsicuentatsi pomonaē pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomonaē tatsi natsicuentatsi xua abe petsita exanaexaetsi bequein abe exana taetha. <sup>34</sup>Matautano dapon ajibi xua itacūpatsi yabara paeba xua barapomonaē bewa werapaena penatsicuentatsi xua abe peexanaexae Nacomtha. Barapomonaē jopa bewa werapae tsane, tsipei Cristo Jesús tsitūpa barapomonaē, abe peexanaexae Nacomtha. Bapon Cristo Jesús equeicha asū exanatsi. Anoxuae eca Nacom pia coxa weya tatsi. Bapon Cristo Jesús Paxatha wūca xua nacata wūca. <sup>35</sup>Cristo

naca antobe, daxota dapon ajibi pon itacupatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiyya Cristo naca antobe. Ichacuitha ichamonae daunwei wanacata exanaewichitha awiyya naca antobe. Ichacuitha ichamonae abe wanacata exanaewichiwathatsi wayabara cueicueijeixae Jesús awiyya bapon naca antobe. Ichacuitha wajainpaewichiwathatsi awiyya naca antobe. Ichacuitha wanacata acoibichiwathatsi paparuwa awiyya naca antobe. Ichacuitha wanapeipeichiwathatsi poxonae ichamonae abe nacata exana awiyya naca antobe. Ichacuitha ichamonae wanaca jutebichiwathatsi awiyya naca antobe. Daxita barapo coyenein jopa canaupatsi xua tsanayiyya wanaca exanaewa Cristo weya. <sup>36</sup>Ichana naca ichi daxita barapo coyenein, barichirũ Nacom Pejume Diwesitha bayatha baxua yabara naca tsiwũnae muxu duta, jeye:

“Nacom poxoru tapaca cajume cowũntsi  
jiwixaetsi daxita matabin tsaibi  
ichamonae ichichipa pana jutebeiba.  
Barapomonaē pana necana exaneiba icha jiwi  
ichi xua poxonae daxita matabin ovejan  
capaneiba pon oveja pejutebeibin beya”,  
jei Nacom Pejume Diwesitha, xua  
yabara naca tsiwũnae muxu duta.

<sup>37</sup>Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapusũ itorobi coyenewatha pon wanaca antobein. <sup>38-39</sup>Daxota bara yatsicaewa yaputan, xua dapocotsi coyene ajibi po coyenetha xua tsanayiyya naca exana Nacom pia peantobe coyene weya tatsi. Jopa tsanayiyya naca exanaeyo bara bequein poxonae tupaethatsi, yawa bara bequein poxonae jinompaethatsi. Irũ matatsunpiwi jopa canaupatsi xua tsanayiyya wanaca cana exanaewa, bequein irũ caurimonaerũ, bequein irũ pocotsiwan xua anoxuae exanaponarũ, bequein irũ xua pocotsiwan bexa tsanerũ, bequein irũ xua pocotsiwan wetsica patopaenano, bequein irũ xua pocotsiwan ira wetsinano, bequein irũ ichawano xua pocotsiwa Nacom forota. Bara bequein daxita barapo coyenein, ichitha jopa canaupatsi xua tsanayiyya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

### Meje yabara xua Nacom itapeta judiomonaē

**9** <sup>1</sup>Pocotsiwan paca tsipaebatsi barapocotsiwan pexainyei jumein. Tajume cowũntsixae Cristo, bara jopa naerabinyo. Tajũntũ coyenetha Nacom pia Pejumope tũnaxũ tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan.

<sup>2</sup>Xainyan, wecoyan. Bichocono tamonaē siwa anthūthūtanein tsaibi jopa pejume cowūntsixae Cristo. <sup>3</sup>Bichocono antobein barapomonaē pomonaē tanacuapiwi. Daxota nayabara paeban, janje: Bena bequein siwa tūpacuaein tamonaē xua bequein tsana tanaexanaewa Cristo weya, xua be poxonaē Nacom tsita tanatsicuenta siwa xua barapomonaē abe pia peexanaē coyenewan nexa. Bapoxonaē xua Nacom tamonaē pia pecapanenebiyaenexatsi, daxota Nacom copata xua ichamonaē nebexubina, najanje. <sup>4</sup>Pon Israel, pon caena bayatha tūpa, bapon nawūn cata tamonaetha. Daxota tamonaē “israelmonaē”, baraichi. Bapon pia pemomoxi susato jiwi tatsi pomonaē tamonaexae Nacom barapomonaē pia pexui exana. Barapomonaē bayatha Nacom yanta popona xua daxota barapomonaē tane Nacom pia pexeinya peitūpanaē coicha poxonaē xua beta exana barapomonaē nexa, Nacom tsipaeba barapomonaē pocotsiwa xua bapon peichichipaewa. Matautano Nacom yabara tsiwūnaē muxu duta pomonaetha pomonaē xua ataya yaweneibina barapomonaē peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonaē po coyene xua barapomonaē xaniwaicha wūnaē pejainchinexa bapontha. Matautano Nacom yabara tsiwūnaē muxu duta barapomonaē xua Cristo pepatopeicaewa tsane. <sup>5</sup>Barapomonaē wamo susato jiwi pia pemomoxi susato jiwi tatsi. Cristo be jiton coyeneya naexana barapomonaē jiwana pomonaē pia pemomoxi susatopiwi jiwana tatsi. Bapon Cristo apara bara Nacom. Barabū Nacom bara ataya wūnaē jainteibinchi pon xua daxita coyeneintha canamataxeina.

<sup>6</sup>Ichitha barapomonaē bequein Nacom cata daxita barapo coyenein, daichitha anoxuae barapomonaē jopa Nacom xanepanaya beta tsita jinompaetsi jopa Cristo peyabara jume cowūntsixaetsi. Bequein ichamonaē nanta xeinaetsipa xua pinaē Nacom Pejume Diwesi jopa ainya cuiyo xua barapomonaē jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonaē nanta xeina. Baraxua jame tsita itapeinya xeina xua apara jopa daxitiyo pomonaē Israel pia pemomoxi susato jiwi tatsi xua Nacom piamonaē tatsi. <sup>7</sup>Matautano Abraham pia pemomoxi susato jiwi tatsi apara jopa daxitiyo barapomonaē xua Nacom piamonaē tatsi. Nacom caena bayatha tsipaeba Abrahamtha, jeye: “Xam xeinaename pomonaē pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom. <sup>8</sup>Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaē pejume cowūntsixae xua Nacom pia peyabara tsiwūnaē muxu dutsiwa. Barapomonaē jume cowūnta Nacom pia peyabara tsiwūnaē muxu dutsiwa xua Cristo capanenebiyaena barapomonaē. <sup>9</sup>Tsipei Nacom tsipaeba

Abrahamtha poxonae yabara tsiwuna muxu duta. Nacom jeye: “Barapo xometotha xua icha weitha taitorobi coyenewatha bapoxonae Sara pexanto pabetsina pebin wuto xua nexanto tsane”, jei Nacom.

<sup>10</sup>Jopa meisa baxuiyo, ichawano Nacom exana. Sara pexanto tatsi naexana pewun Isaac. Poxonae Isaac pinyo, bapon nacueyoba piowa, pewun Rebeca. Rebeca tanama ecatsibe pebin wutobe. Barapo pexuyobe cae axa nantautabe bapon Isaac, pon wamo susatopin. <sup>11-13</sup>Caena bayatha pewunaeya poxonae barapoyobe jopa naexanaebe, xuano pewunaeya xua poxonae barapoyobe jopa abe exanaeyobe matautano pewunaeya xua poxonae jopa wuna exanaebe, bapoxonae Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jupabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomona xua peichichipaewa, xua pewabiwa barapomona. Nacom jopa yabara itapetsiyo barapomona peexanaexae pocotsiwa Nacom peichichipaewa.

<sup>14</sup>Ichamona paeba, xua pinae Nacom jopa xapain exanaeyo poxonae caein jiwana itapeta, xua poxonae ichun naitematatsi. Apari jopa xapain wunaeyo xua barapomona Nacom yabara paebatsi. <sup>15</sup>Tsipei Nacom paeba Moiestha, jeye: “Pomona wunaeya yabara nanta xeinaein xua tayawenaenexa, barapomona beta yawenaein”, jei Nacom. <sup>16</sup>Baxua naca cuiduba xua jopa jiton itapetichi poxoru wuna peexanaexae. Matautano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxona Nacom wunaeya yabara nanta xeina xua peyawenaenexa tsane barapomona. <sup>17</sup>Nacom cueicueije pejume diwesitha naca peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apari xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itutsi coyenewa exanaein xua tsita itapeinya xeinaein xua xan xeinan bichocono peayapusu itorobi coyenewa. Matautano exanaein xua daxitan nacuan jiwi taneyabara jume taenexa”, jei Nacom. <sup>18</sup>Daxota yaputainchi xua Nacom itacupatsi xua wunaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichun pejuntu coyetha pexeinaewa po coyene pejumefebi coyenewa. Baxuan Nacom cana exana pomonaetha pomona Nacom ichichipa xua xeinaena barapo coyenein.

<sup>19</sup>Metha paxam pana nebaram xua barapomona yabara xua pajam: “Poxona Nacom atene exana pomonaetha pomona petsita

natsicuentsixaetsi xua abe peexanaexae ÷baxua Nacom jopa xaniwaicha exanaeyo jampa? Nacom copata xua barapomonaе xeina pejuñtu coyeneintha pejumefebi coyenewan. ÷Barapomonaе Nacom tsita natsicuentatsi jampa, poxonaе Nacom bequein copata baxua jampa?” pajam. <sup>20</sup>Ichitha paca jume notatsi, janje: “iPaxam pebiwi tsobenae pam! ÷Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaexaetsi: ‘÷Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacupaetsi xua pepaebiwa baxua”, paca jeichi. <sup>21</sup>Pon xua juruwato peexanaein bapon itacupaetsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacupaetsi xua pexeinya juruwato exana xua bichocono ainya matoma. Matautano bapon itacupaetsi xua bara cana exana xua jopa wunaeyo xua saya pecasetsinexa.

<sup>22</sup>Nacom barichi itacupaetsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita ituta pia peanaepanaewa pomonaetha pomonaе abe peexanaewi, ichitha jopa cataunxuae baxua exanaeyo. Matautano bequein ichichipa tsita ituta pia peayapusu itorobi coyenewa po coyene xua barapomonaе tupa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitatemaya taetaepona xua barapomonaе abe pia peexanae coyenewan, po abe coyenewan xua Nacom anaepana exanatsi. Barapomonaе muxu peweraweracaе exanaetsi abe peexanaexae. <sup>23</sup>Nacom beitatemaya naca taetaepona wanaca tsita itutsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwunaeta xua iru waxeinaenexa Nacom pia pexeinya juntu coyenewa xua bichocono peantobewa. <sup>24</sup>Nacom naca waba pomonaexaetsi pomonaе judiomonaе jiwanaetsi. Matautano Nacom naca waba pomonaexaetsi pomonaе jopa judiomonaе naexanaeyo jiwanaetsi. <sup>25</sup>Baxua Nacom yabara paeba pejume diwesitha pomonaе yabara, pomonaе jopa judiomonaе naexanaeyo po diwesitha ichaxota Oseas tina. Nacom jeye:

“Pomonaе copiya jopa tamonaeyo, barapomonaе yabara jan tsane, ‘Apara tamonaе’, jan tsane.  
Matautano pomonaе copiya jopa antobeinyo barapomonaе yabara jan tsane:  
‘Apara taantobe jiwi’, jan tsane.

<sup>26</sup>Matautano ichaxota ba jiwi yabara jan: ‘Paxam jopa tamonaе pam’, jan, baraxota barapomonaе yabara jan tsane: ‘Apara paxam tapexui pam, po Nacomxaein ataya tsitecaeya jiwi asu jinompa



taexanaein', jan tsane", jei Nacom, ichaxota po diwesitha Oseas tina pon caena bayatha tupa.

<sup>27</sup>Barichi iru Isaiás yabara jeye judiomonae: "Bequein judiomonae bichocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonae jiwana pomonae xua Nacom capanenebiya. <sup>28</sup>Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentisixaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena", jei Isaiás. <sup>29</sup>Isaiás copiya yabara tsiwunaē muxu duta, jeye:

"Nacom apara bapon pon xua itoroba daxita coyeneintha.

Bapon wunaeya naca yabara nanta xeina xua wanaca yawenaewa tsane xua awiya be conotha pejinompaenexa pomonae wamomoxi susato jiwi jiwana, xua daxita jopa peweraweracaewa tsane.

Icha Nacom jopa baxua exanaetsipae, bapoxonae waxainchi bara naca juta ichipae icha bayatha Sodoma tomarapiwi cana ichichi, matautano icha matha Gomorra tomarapiwi cana ichichi xua daxita weraweraca", jei Isaiás  
Nacom Pejume Diwesitha.

**Meje yabara xua judiomonae jopa jume cowuntsiyu  
Nacom pia pexeinya jume diwesi tatsi**

<sup>30</sup>Barapo peyabara jutiya paebiwana naca yaputane exana xua apara pomonae jopa judiomonae naexanaeyo Nacom jopa tsitatsi xua barapomonae penatsicuentisiwa xua abe peexanaexae. Baxua Nacom cana exana barapomonaetha bequein barapomonae jopa tsaqueinaeyo xua pexeinaewa pejuntu coyene xanepanaewa Nacomtha. Barapomonae xeina pejuntu coyene xanepanaewa Nacomtha Cristo pejume cowuntsixaetsi.

<sup>31</sup>Ichitha nama barapo judiomonae paeba, jeye: "Nacom naca juntu coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha. Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba", jei barapomonae. Daichitha barapomonae judiomonae jopa itacupaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha. <sup>32</sup>¿Eta xua metha jane xua barapomonae jopa itacupaetsi xua exana pocotsiwa Moisés pia peitorobi coyenewatha itoroba? Metha poxoru barapomonae nanta xeina xua poxonae beta exana bapoxonae jopa pexeinaewa tsane penatsicuentisiwa Nacomtha.

Barapomonaē jopa jume cowũntsiyo xua Nacom itorobica Cristo, daxota barapomonaē Nacom tsita natsicuentatsi xua abe petsita exanaexaetsi. Barapomonaē nacabeta exana, poxonaē jopa jume cowũntsiyo Nacom, atene peexanaexaetsi tsane icha jiton ichi poxonaē xuirapopa ibototha xua pia coutha nacabeta exana xua atene naexana. <sup>33</sup>Nacom Cristo yabara paebatsi pejume diwesitha. Icha jiwi ichi poxonaē nacabeta poxonaē xuirabathopa ibototha, barichi jiwi nacabeta poxonaē Cristo jopa jume cowũntichi. Nacom jeye:

“Jerusalén tomaratha po tomara atororo  
xua po tomara pewũn Sión  
barapo tomaratha notsin pon  
jiwi pecapanenebiyaenexa tsainchi.  
Jiwi nacabeta exana poxoru barapo jiwi  
jopa jume cowũntsiyo bapontha,  
icha jiwi ichi xua nacabeta exana  
poxonaē xuirabathopa ibototha.  
Pon jume cowũntsina bapontha, jopa bapana  
jũntũ natsepanayae tsane”, jei Nacom.

**10** <sup>1</sup>Tamonaē pam, paxam pomonaē irũ painya nejume cowũntsiwixae Jesucristo. Maisa bichocono tajũntũ coyenewatha ichichipan daxota bichocono Nacomtha tsipaeban judiomonaē nexa, xua barapomonaē pecapanenebiyaenexa tsainchi abe pia peexanaē cuiru coyenein weya. <sup>2</sup>Barapomonaē yabara paeban xua barapomonaē judiomonaē bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomonaē peexanaewa. <sup>3</sup>Barapomonaē jopa yabara yaputaeyo xua pocotsiwa poxonaē Nacom jũntũ coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomonaē jujuta xua icha barompaya pia cui coyeneyatha exanaena xua bapoxonaē pexeinaenexa tsane pejũntũ coyene xanepanaewa Nacomtha xua jopa penatsicuentisiwa xua abe peexanaexae. Barapomonaē jopa exanaeyo be pocotsi coyene Nacom itoroba jiwitha xua Cristo pejume cowũntsiwixae xua bapoxonaē jiwi pexeinaenexa pejũntũ coyene xanepanaewa Nacomtha. <sup>4</sup>Barapomonaē jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonaē yabara jume cuiya exanaena pinae xeinaena pejũntũ coyene xanepanaewa.

<sup>5</sup>Caena bayatha Moisés yabara paeba xua pinae pia peitorobi coyene tatsi itacũpatsi xua jiwi jũntũ coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye:

“Pon daxita yabara jume cuiya eexanaponaena barapo taitorobi coyenewa xua tinan, bapoxonae bapon bara ataya tsitecaeya poponaena peajuntuyapusu coyenewatha”, jei Moisés. <sup>6</sup>Nacom Pejume Diwesitha yabara paeba pomonae jopa xeinaeyo penatsicuentisiwa Nacomtha pejume cowuntsixae Cristotha. Nacom jeye: “Jopa pananthuthu yainyabinde, jopa pajande: ‘¿Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande. <sup>7</sup>Matautano jopa pajande: ‘¿Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?’ jopa pajande”, jei Nacom. <sup>8</sup>Nacom equeicha pejume diwesitha pejuntu coyene xanepanaewa yabara jeye: “Tajume diwesi bara imoxoyo dubena xua paca itacupa painya necueicueijeinexa barapo diwesi. Matautano paca itacupa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najupabe po diwesi xua yabara paca cuidubatsi xua painya nejume cowuntsiwa. <sup>9</sup>Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowuntsim painya nejuntu coyeneintha xua Nacom Jesús equeicha asu exanatsi petupae cuiru coyene weya. Bapoxonae Nacom paca capanenebiyaena abe painya neexanae coyenewan weya. <sup>10</sup>Poxonae jiton jume cowunta pia juntu coyenewatha Jesustha bapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueije xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyenewan weya.

<sup>11</sup>Nacom Pejume Diwesitha jeye: “Pon jume cowunta Cristotha, Cristo yawenaena xua daxota jopa bapana juntu coyene natsepanayae tsane”, jei Nacom, xua pejume diwesitha. <sup>12</sup>Nacom jopa tsita seicayatsi daxita jiwi, bara saya tsita najupatsi, bequein bara metha judiomonae tsipae iruno metha bequein jopa dapomonae tsipae pomonae jopa judiomonae naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonae pewuca jiwixaetsi. <sup>13</sup>Tsipei Nacom Pejume Diwesitha jeye: “Daxita pomonae wuca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonae bara capanenebiya tsainchi”, jei Nacom. <sup>14</sup>Jiwi jopa itacupaetsi xua petsipaebiwa pontha pon jiwi Pecanamataxeinaein icha jopa jume cowuntsiyo bapontha. Matautano jopa itacupaetsi xua pejume cowuntsiwa pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacupaetsi xua peyabara jume yaputaewa bapon icha ichamonae jopa capanaeyo barapo

diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein. <sup>15</sup>Matautano jiwi jopa itacupaetsi xua pecueicueijeiuwa xua po diwesi pon jiwi Pecanamataxeinaein peyabara paebiwatsi icha dapomonae ajibi pomonae itoroba barapomonaetha xua barapomonae pecueicueijeinexa. Nacom Pejume Diwesitha yabara jei baxua: “Maisa bichocono daxua wuna xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

<sup>16</sup>Daichitha jopa daxita jiwiyu xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: “Tanecanamataxeinaem ÷jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi”, jei Isaías. <sup>17</sup>Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

<sup>18</sup>Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonae tatsi capona Nacom Pejume Diwesi tajü beya.

Po diwesi xua barapomonae paeba tajü beya jume pichapona daxita barapo cae pin nacuathe”, jei Nacom Pejume Diwesitha.

<sup>19</sup>Queicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¡Jume! ¡Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwuna muxu duta. Moisés tatina Nacom, xua Nacom jeye:

“Ichamonae capanenebiyan pomonae jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae jopa bichocono peyaputae jiwi.

Paxam paca exanatsi xua baxua paca anaepana exana, jei Nacom”, xua Moisés tatina.

<sup>20</sup>Bapoxonae irü pirapae Isaías atsaquiya yabara tsiwuna muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara barapomonae cana exanan xua barapomonae neyaputane”, jei Nacom, xua Isaías tatina.

<sup>21</sup>Equeicha Isaías yabara tsiwūnae muxu duta judiomona Nacom nexa, xua Nacom jeye: “Daxita matacabi wabeiban barapomona. Ichitha barapomona jopa exaneibiyo pocotsiwa itorobeiban tsipei barapomona tanejume torobabeibi jiwi xua jopa, tanejume cowuntsiwa”, jei Nacom, xua Isaías tatina.

**Meje yabara xua Nacom itapeta judiomonaepiwi pomona  
Israel pon caena bayatha tupa bapon piamona tatsi**

**11** <sup>1</sup>Equeicha nayainyaban najan: ¿Metha bara Nacom torota daxita piamona israelmona jampa? najan. Jume apara, tsipei apara xan barapo israelmona jiwana pin, daxota jopa netorotsiyo, Abraham pia saineiwimona jiwana tatsin apara, matautano Benjamín pia pemomoxi susato jiwi jiwana tatsin apara. <sup>2</sup>Nacom jopa torotsiyo piamona pomona xua caena bayatha peitapetsixae xua cana exana be piamona tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmona, jeye: <sup>3</sup>“Nacom ponxaem Tanecanamataxeinaem, barapo israelmona juteba, jutebatsi pomona jinya neitorobi jume pepaebiwi. Matautano barapo israelmona cayatsiya abe exana pocotsiwan iboton xua xuan xota duwei yubeibiya jutebathopeiba xua poxona catsita tuxusi exana. Xan compan napaeban xua pomona beta necajume cowuntsiwi barapomona jiwanan. Iruru barapomona ichichipa nebexubarú”, jei Elías poxona tsipaeba Nacomtha. <sup>4</sup>Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamona, pomona tanejume cowuntsi jiwi. Barapomona jopa pentabocototha umenaeyo xua poxona wūnae pejainchinexa ibo nacom, po ibo nacom pewun Baal”, jei Nacom. <sup>5</sup>Nama anoxuae awiya barichi israelmona be conotha pomona jume cowunta Nacomtha pomona Nacom peitapetsiwi, pia peantobexae barapomona. <sup>6</sup>Nacom itapeta barapomona, pomonaetha pomona peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomona, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxona Nacom be jopa bapana amanaya exanaeyo jiwi nexa.

<sup>7</sup>Daxota yaputainchi xua pinmona xua barapo israelmona jiwana jopa catsibichi pejuntu coyene xanepanaewa xua bequein baxua tsixana nawita po coyenein Moisés itoroba. Jame Nacom cata barapo coyene pomonaetha pomona peitapetsiwixae, xua pomona israelmona jiwana. Barapomona, pomona israelmona jiwana barapomona Nacom jopa catsibiyo barapo pejuntu coyene xanepanaewa. Nacom copata xua

barapomonae pejuntũ coyenewatha xeina pejume torobabi coyenewa. <sup>8</sup>Nacom Pejume Diwesitha Moisés yabara paeba barapomonae. Moisés jeye: “Nacom copata xua barapomonae xeinaena po juntũ coyene jopa itacũpaetsi xua peyaputaewa. Bequein barapomonae yoroba xua pejume xainyei coyenewa daichitha jopa yaputaeyo. Mataũta bequein barapomonae jume tane pexainyei jume daichitha jopa jume cowũntsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha. <sup>9</sup>Irũrũ David yabara paeba israelmonae poxonae Nacom tapaebatsi. David jeye:

“Barapomonae beitatemaya juntũ coyene weiweinapona pin penabanaewantha. Barapomonae nanta xeina xua jopa catsita natsicuentisiyo xua abe peexanaexae. Poxonae barapomonae cataunxuae eexanapona baxua barabũ xam Nacom jemeicha atene cana exanaename barapomonae, jopa pia necajume cowũntsixae.

<sup>10</sup>Daxota barabũ copatsiname xua barapomonae israelmonae jopa yaputaeyo po coyene xua barapomonae catsita natsicuenta abe necatsita exanaexae.

Mataũtano barabũ copatsiname xua barapomonae xeinaena po peatene coyenewa anthũthũrewewe cana exanatsi xua ataya, abe peexanaexae”, jei David, israelmonae yabara, Nacom Pejume Diwesitha.

**Meje yabara xua pomonae jopa judiomonae  
naexanaeyo Nacom jume cowũntatsi**

<sup>11</sup>Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowũntsixaetsi ïmetha bara Nacom itawetsina barapomonae xua ataya tsane jampa? iJume apara! iBarapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae.

<sup>12</sup>Poxoru judiomonae Nacom nawepu tsabatsi daxota Nacom xanepana exana ichamonaetha, xua daxita carepaya barapo cae pin nacuathe. Judiomonae jopa Nacom pejume cowũntsixaetsi daxota Nacom xanepana

exana, pomonaetha pomonae jopa judiomonae naexanaeyo xua Cristo pejume cowũntsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae irũ Cristo jume cowũntsinchi.

<sup>13</sup>Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui. <sup>14</sup>Beexanaein xua tamonae judiomonae paca uwa, xua bapoxonae barapomonae pejume cowũntsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa. <sup>15</sup>Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuapiwi jiwana xua pecanaexanaenexa pia jiwimonae tatsi. Poxonae judiomonae irũ cana exanaeinchi Nacom pia jiwimonae tatsi Cristo pejume cowũntsixaetsi baxua bichocono wũnae tsane be poxonae jiwi equeicha asũ exanatsi petũpae cuiru coyene weya. <sup>16</sup>Ainya pecayabara jũta pepaebi diwesiyo be paca tsipaebatsi. Poxonae jiwi ba pentũbũ tsequeta xua cae pan exana pecatsinexa Nacomtha barapo pan matabũyo bara Nacom piawa tatsi. Barichi pepa matabũ barapara Nacom piawa tatsi. Barichi poxonae jiwi ba paeba xua pinae nae petabũ opina catsina Nacomtha bara Nacom piawa tatsi. Barichi pepa maxũranan barapara Nacom piawa tatsi. Icha barapocotsi naxobe coyenewabe cana ichiya exana jiwi, barapocotsi jũta coyeneya Nacom cana exana jiwitha. Poxoru Abraham irũ pomonae Nacom peitorobi jume pepaebiwi barapomonae Nacom piamonae tatsi daxota irũ pia pexui tatsi irũ Nacom piamonae tatsi.

<sup>17</sup>Equeicha pecayabara jũta pepaebi diwesiyo paca tsipaebatsi. Jiwi itacũpatsi xua olivo nae jiwana maxũranan weucuboba po nae ũbanota pabitha xua bebai. Icha olivo nae maxũranan jiwana weucuboba, po nae untha uncua. Barapo maxũranan wantha japateita cũtsiya duba po naetha po nae uncua pabitha, po nae copiya jiwana maxũranan bebai. Barapo nae tabũ opinan aisa cana exana xua barapo maxũranan beta nacoita tsipei mene nota barapo nae tabũ opina tsina. Bara jũta coyeneya ichi, icha olivo naetha cana ichichi, Nacom jiwi barapocotsi coyeneya cana ichi. Nacom jiwana torota po judiomonae jopa pejume cowũntsixaetsi xua bapoxonae Nacom paca cana exana piamonae tatsi pam. Nacom paca cana exana xua peajũntũyapũsũwa painya nexainaewa painya nejume cowũntsixae Jesucristo. Barapo coyene icha be poxonae pemaxũranan cana ichichi poxonae aisa cana exainchi pemene notsixae

petabũ opinan tsina, xua beta xu xuwa exana pena maxũranatha.

<sup>18</sup>Daxota jopa paatsaquiya aebiya nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara jũta paebiwa. Barapo maxũranan jopa apara nacoita exanaeyo barapo nae tabũ opina deca. Jame apara barapo nae tabũ opina nacoita exaneina barapo maxũranantha.

<sup>19</sup>Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae. <sup>20</sup>Metha moya bara xainyei tsipae. Bara Nacom torota barapomonae judiomonae jopa pejume cowũntsiwixaeſi Jesucristo. Paxam Nacom piamonae tatsi paca cana exana, tsipei saya apara pajume cowũntame Jesucristo, saya meisa baxuaxae. Jopa pana najũntũ coyene yabara atsacande xua painya nexainaexae pocotsiwa Nacom paca cata. Jame saya dota pam xua jopa xanepanaeya pajume cowũntsim Jesucristo xua daxota Nacom painya nepaca torotsiwa tsane. Jiwi pemaxũranan ucubobiya bebai po nae pabitha uncu. <sup>21</sup>Bara jũta coyene ichi, Nacom torota judiomonae pomonae copiya piamonaexae tatsi jopa pejume cowũntsixae Jesucristo. Nacom bara paca ichipae paca torotsipa icha jopa pajume cowũntsi paem. <sup>22</sup>Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentsiwa pomonae xua jopa pejume cowũntsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowũnta dubenanaebiyaename. Ichitha icha awiya jopa pajume cocowũntaponaem tsane Nacom paca torotsina. <sup>23</sup>Mataũtano Nacom itacũpatsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cowũntsinchi. Nacom baxua cana exanaena icha jiton ichi xua equeicha caewa pecoutha japateita cũtanota wantha pemaxũrana, po maxũrana bequein ucuiubiya xuba. <sup>24</sup>Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa piamonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxũrana ucuiuba. Equeicha barapo maxũrana icha olivo nae maxũrana wantha japateita cũtsiya duta po olivo nae pabitha ũbanota. Bapoxonae barapo unupi olivo nae maxũranatha peXEINYA thei xuwa. Ichitha icha pebin equeicha pita po maxũrana xua ucuiuba pepa olivo nae weya yawa equeicha caewa pecoutha japateita cũtanota wantha, barapo maxũrana beta xuwa beyacaincha xua xuwa unupi olivo nae maxũrana poxonae japateita cũtanota wantha. Icha pebin



ichi, Nacom bara itacupatsi cana exana judiomonaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomonae.

**Meje yabara xua Nacom bexa tsane israelmonae capanenebiya tsainchi**

<sup>25</sup>Tamonae pam, paxam pomonae iru painya nejume cowuntsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonae jopa yapuraeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwi pam. Meje baxue xua moya peyawun xeinaewan: Anoxuae israelmonae xeina pejuntú coyenewatha po coyene xua Nacom pejume torobabi coyenewatsi xua daxota Nacom jopa pejume cowuntsiwatsi. Ichitha jame bexa poxonae abu daxita carepaya jume cowuntsina Nacom pomonae jopa judiomonae naexanaeyo pomonae Nacom itapeta, bapoxonae equeicha judiomonae jume cowuntsina. <sup>26</sup>Bapoxonae daxita israelmonaexae pomonae judiomonaexae pomonae Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae jiwanaetha pomonae Sión tomara wunmonae. Bapon juntú coyene wepichina Jacob pia pemomoxi susato jiwi tatsi abe pia peexanae cuiru coyenewan tatsi, pomonae israelmonaexae.

<sup>27</sup>Juntú coyene wepichin barapo judiomonae abe pia peexanae cuiru coyenewan tatsi. Barapoxonae cayabara jume weta exanaein pocotsiwa caena bayatha yabara tsiwunae muxu dutan barapomonae pia pamo susato jitontha tatsi pon pewun Jacob, pon Israelxae”, jei Nacom Pejume Diwesitha.

<sup>28</sup>Ichamonae xua israelmonae jiwana anoxuae barapomonae Nacom pia peaitafaetabi jiwichi tsipei barapomonae jopa jume cowuntsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonae baxua exana, daxota paxam pomonae jopa judiomonae naexanaeyo pam, bara paca itacupa xua painya nejume cowuntsiwa Cristo. Ichitha barapo israelmonae Nacom caena bayatha copiya itapeta. Barapo israelmonae awiya Nacom antobe, pia pamo susato jiwi tatsi copiya peitapetsixaetsi. <sup>29</sup>Tsipei Nacom jopa ichawa beya paebiyo. Pocotsiwa Nacom cata equeicha jopa caewa pichiyo. Pomonae Nacom itapeta equeicha jopa itawetsiyo. <sup>30</sup>Paxam pomonae jopa judiomonae painya nenaexanaewi pam, copiya paxam jopa painya

neexanae jiwi pam pocotsiwa Nacom paca itoroba. Daichitha anoxuae judiomonae jopa peexanaexae pocotsiwa Nacom itoroba, daxota Nacom wunaeya paca yabara nanta xeina pia nepaca cayawenaewa tsane. <sup>31</sup>Ichitha anoxuae bequein barapomonae judiomonae jopa exanaeyo pocotsiwa xua Nacom ichichipa, bexa tsane barapomonae judiomonae jume cowuntsina. Poxonae baxua exanaena Nacom, xua wunaeya paca yabara nanta xeina pia nepaca cayawenaewa tsane iru wunaeya yabara nanta xeinaena peyawenaenexa tsane xua barapomonae peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonae Nacom pacata exana. <sup>32</sup>Nacom bara copata xua daxita jiwi bara najupa xua penatsicuentisiwa xua jopa pejume cowuntsixaetsi. Nacom bara baxua copata, xua penanta jupiya yawenaenexa daxita jiwi, peantobexae.

<sup>33</sup>iMaisa jopa juniya Nacom yawenaeyo jiwitha! iMaisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! iMaisa Nacom jopa juniya yabara tsiwunaeyo yaputaeyo peyaputae coyenein xua bexa exanaena! iDapon ajibi pon itacupatsi xua pecayabara yaputaeya paebiwa pocotsiwa Nacom cuita yabara exana! iBarichi dapon ajibi pon itacupatsi xua peyaputaewa Nacom pia cui coyenewan tatsi! <sup>34</sup>Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeinxae. Matautano dapon ajibi, pon xua Nacom pecuidubiwatsi. <sup>35</sup>Matautano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi. <sup>36</sup>Apara daxita coyenein Nacom forota. Nacom canamataxeina pia peayapusu itorobi coyenewatha daxitan pocotsiwan xua xuan exana. Daxitan bara piawa tatsi. iBarabu Nacom wunaeyo jainteibatsi xua ataya tsai tsane! iJe, bara ichi tsane!

### Meje yabara xua wajinompawea wataexanaenexa Nacom

**12** <sup>1</sup>Tamonae pam, paxam pomonae iru painya nejume cowuntsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana najuntu coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo asu cata xua pebexubinexa Nacom nexa. Poxonae pana najuntu coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wunaeyo pajaintsiname Nacom painya juntu coyeneintha. <sup>2</sup>Jopa bara paichiponaeyo xua abe paexanaponame po coyenewan icha ichi xua exana dubenanaebiya pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha juntu coyene paxeiname

xua beta painya nenanta xeinaponaenexam tsane. Bapoxonae payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanaponaewa tsane xua meje: pocotsiwa bara wūnae, matautano pocotsiwa Nacom pejuntũ coyene weiweina exanaewatsi, matautano pocotsiwa daxita bichocono matapaecha xanepana.

<sup>3</sup>Nacom taneantobexae necata barapo peayapusũ itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwi pam beyacaincha poxonae Nacom pia coutha ainya cui paca cana exana. Nacom paca catsiba pejume cowũntsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename. <sup>4</sup>Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jupae coyeneya exanaeyo. <sup>5</sup>Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowũntsixae Cristo. Caemonae wanaexanaexae Cristotha, daxota nantiya nayawenatsi.

<sup>6</sup>Nacom daxita carepaya barompaya naca catsiba wajuntũ coyeneya waexanae coyenewan, peichichipaexae xua naca yawenaena wanaca antobexae. Barapo juntũ coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijeji coyenewa Nacom Pejume Diwesi. Bapoxonae barapomonaewas bewa cueicueijeji barapo diwesi jiwitha. Bapomonaewas bewa exanae baxua daxita po pejume cowũntsiwatha Nacom bapomonaetha cata. <sup>7</sup>Ichamonaetha Nacom naca jiwana catatsi, po coyene xua ichamonaewas peyawenaewatsi. Barapomonaewas bewa moya ichamonaewas bara beta yawenaetsi. Ichamonaewas Nacom naca jiwana catatsi po coyene xua ichamonaewas pecuidubiwatsi. Pomonaewas yaputane xua pecuidubiwa ichamonaetha, bewa moya bara beta cuidubina ichamonaetha. <sup>8</sup>Ichamonaetha Nacom naca jiwana catatsi peyaputae coyenewa po coyenewa xua pejuntũ cui coyene tsacabinexa pejume cowũntsiwi xua juntema pejinompaenexa. Pomonaetha Nacom cata barapo peyaputae coyenewa bapomonaewas bewa moya bara beta juntũ cui coyene tsacabina ichamonaewas. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonaewas bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonae

canamataxeinaeya itoroba. Bapomonaē bewa moya bara saya daunweya beta canamataxeinaeya itorobaponaē. Ichamonaētha Nacom naca jiwana catatsi peyaputae coyenewa po coyenewa xua yawena peacopeibi jiwī. Bapomonaē bewa moya jūntū coyene weiweinaeya yawenaē.

**Meje yabara xua pocotsiwa bewa exanaē  
pomonaē pejume cowūntsiwi Cristo**

<sup>9</sup>Poxonaē pana naantobem xaniwaicha nantiya caemonaē pana naantobeinde. Panaitemare abe peexanaē coyenewan. Saya naitomatsiya paexanaponde pocotsiwa pexanepanaē coyenewan. <sup>10</sup>Bewa caemonaē nantiya pana naantobem, icha caepi jiwī ichi xua yatsicaewa naantobe xua cae peweicho jiwī. Bewa ichamonaē pabarū cui itura jinaem xua barapomonaē peainya cui jiwī beyacaincha paxam.

<sup>11</sup>Jūntū coyene daunweya patanacuire pon jiwī Pecanamataxeinaein. Jopa paacoyenefaetabinde poxonaē pata nacuitame. Antūcoyenyapusuya bapon patanacuire, bichocono painya neichichipaexae.

<sup>12</sup>Painya newūnaē ewatsixae pocotsiwa xua Nacom paca catsibapaeba bexa daxota pajūntū coyene weiweinaeya jinompare. Poxonaē ichamonaē jopa xapain pacata exanaeyo, xua paca cana exana xua paajūntūcoyenetanem, bara saya jūntema pajinompare. Jopa paaitaconaeinde. Jopa pana cui barapentsinde xua painya tsipaēbeibiwa Nacom.

<sup>13</sup>Nacom piamonaē xua irū pomonaē Nacom pejume cowūntsiwixaetsi payawende pocotsiwa xua barapomonaē nantawenona. Pantenta weyataeya wabeibare painya bontha pomonaē painya nepaca casiwa poneibiwi, pomonaē pejume cowūntsiwi Nacom pomonaē jopa painya yaitaibi jiwī.

<sup>14</sup>Pomonaē paca atene exana painya nejume cowūntsixae Jesucristo barapomonaē patawūcare Nacomtha xua Nacom peyawenaewa tsane barapomonaē. Nacom jopa patsipaēbinde xua abe pecana exanaewa tsane barapomonaētha.

<sup>15</sup>Irurū pajūntū coyene weiweineibare poxonaē ichamonaē jūntū coyene weiweineiba. Ichacuitha pajūntū coyene wecoyēi tsaibindeno poxonaē ichamonaē jūntū coyene wecoyēi tsaibi.

<sup>16</sup>Pebrūya nanta cui jūpaeya pajinompare xua jūntema nantiya pana nabarū dubenanaēbiyame. Jopa ichamonaē paaēbinde. Pacana exande painya jiwī xua be pomonaē pecui pawī jiwī. Jopa pana nayabara nanta xeinaēinde xua painya neyaputae jiwī pam.

<sup>17</sup>Poxonaē ichamonaē abe pacata exana jopa xuya abe pata exanaēinde barapomonaētha. Jame maisa pananta xeinare xua daxita jiwī xaniwaicha painya netaexanaewa tsane pocotsiwa barapomonaē tsita cui xanepanatsi. <sup>18</sup>Paexanaponde daxita pocotsiwan paca itacūpa, xain

bapoxonae jüntema pana nabaru jinompame daxita jiwi. <sup>19</sup>Tamonae pam paxam pomonae tapaca caantobe jiwichi pam iru painya nejume cowuntsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: “Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiwi”, jei Nacom Pejume Diwesitha. <sup>20</sup>Jopa xuya payantomateibim tsane. Jame paexande xua Nacom Pejume Diwesitha tatsi jeye: “Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae”, jei Nacom Pejume Diwesitha. <sup>21</sup>Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname barapomonaetha pomonae painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

**13** <sup>1</sup>Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae. <sup>2</sup>Daxota icha ichun jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae. <sup>3</sup>Pomonae beta peexanae jiwi jopa bewa cuitaya junuwi tsane xua pecuitaya junuwiwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwiwatsi pomonae itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename. <sup>4</sup>Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara

bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentisixae xua abe peexanaexae Nacomtha. <sup>5</sup>Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane. <sup>6</sup>Daxota xain barapomonae pacatsibame pematomatsi paratixi pocotsi paratixi jiwi bewa catsibina pomonaetha pomonae itorobiya pecanamataxeinae jiwi. Tsipei barapomonae nantawenona paratixi xua beta pe-eexanaponaewa tsane poxona Nacom tanacuitapoinchi.

<sup>7</sup>Daxita barapomonae barompa paratixi pacatsibare po paratixi bewa pacatsibim barapomonae. Pomonae painya nepaca canamataxeinaewi pacatsibare daxita po coyenein peyabara matomatsiwan xua xuan paca wuca. Daxita pomonae pecanamataxeinae jiwi pabarũ cui itura jinare, xua daxota betiya painya nebarũ cueicueijejiwa tsane.

<sup>8</sup>Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cowuntsiya exana daxita pocotsiwa xua Moisés itoroba pia peitorobi coyenewatha. <sup>9</sup>Moisés pia peitorobi coyenewatha jeye: “Jopa pichinde ichun piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ichun xeina”, jei barapo itorobi coyenewatha. Barapo coyenein xuaunxuae paeban, irũno daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha naantobem”, jei barapo peitorobi coyenewatha. <sup>10</sup>Pon ba beta antobe tsaibi ichamonae bapana jopa abe taexanaeyo barapomonaetha. Daxota icha antobetsi ichamonae bapoxona barapara jume cowuntsiya exainchi daxita pocotsiwa Nacom itoroba Moisés pia peitorobi coyenewatha.

<sup>11</sup>Daxita baxuan bewa paexanaename tsipei payaputaneme xua anoxuae po dapaetha pajinompare bichocono peayapube dapae. Barapo dapaetha tsaca pajinompare, tsipei imoxoyo naca itiya pona po mataqueitha Nacom naca capanenebiyaena. Barapo matabi imoxoyo beyacaincha xua poxona aena jume cowuntatsi Jesucristo. <sup>12</sup>Pequireiwa ba bewayo caewanaya poxoru matabi dawetsina. Bara juta coyeneya ichi poxona pomonae ba abe peexanaewi bara apara pequireitha abe exana. Barapomonae barapenta xua abe exana poxona matabi tsuxubi. Barichi waxainchi bewa barapentichi xua abe waexanae coyenewa icha barapomonae ichi xua saya merawi abe exana ichitha mataqueitha

jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najüntü coyene wünaetatsi xua najüntü coyene ayapusü exanatsi abe waexanaeyainwa. Baxua icha be poxonae ba soldadopin ichi poxonae matabitha nacui wünaeta penabinexa. Bapon penaintontha nayaitata xua daxita pepontha xua pebexotsiyainwatsi. <sup>13</sup>Barabü beta xanepanaya dubenanaebiyatsi, icha jiwi ichi xua beta dubenanaebiyata mataqueithaxae. Jopa bewa nacüpa exanae dubenanaebiyae tsainchi xua peamenetsaxawa. Mataütano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Mataütano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Mataütano jopa bewa nauwi tsainchi. <sup>14</sup>Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya jüntü coyenein ichichipa xua peexanaewa.

**Meje yabara xua jopa bewa abeya yabara paebichi po coyene xua pejinompaewa pomonae irü pejume cowüntsiwi**

**14** <sup>1</sup>Icha ichün jüntü coyene faefaena pejume cowüntsiwa Cristotha, bapon pacana exande be painyamonae jiwi jiwana pomonae painya nejume cowüntsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuitha po coyeneya xua bapon jopa bewa exanae. <sup>2</sup>Ichamonae ba nanta xeina xua itacüpatsi penabanaewa xua daxita coyenein pexaewan. Ichamonae ba pomonae jüntü coyene faefaena xua pejume cowüntsiwa Cristotha barapomonae ira pipexaewa xane jopa pewi xaeyo. <sup>3</sup>Pon penabanaein daxita coyeneya pexaewan, bapon jopa bewa paebi tsane ichüntha pontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara irü pexanto tatsi, icha ichi pon jopa penabanaein pewi. <sup>4</sup>Xam jopa bewa daxua paebim tsane xua pon ichün tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantauta pon jiwi Pecanamataxeinaein. Bapon jopa nantawenonaeyo xua irü xam canamataxeiname bapon. Saya meisa Nacom itacüpatsi xua yabara paeba

poxonae po coyene icha bapon wūnae exana xuano xua icha jopa xapain exanaeyo. Ichitha bapon xanepanaya exanaena tsipei Nacom itacūpatsi xua cana exana, xua pia petanacuichi jiwi tatsi xanepanaya peexanaewa.

<sup>5</sup>Ichamonae nanta xeina xua caentaqueitha bichocono peainya cui matababi beyacaincha xua icha matababi tsipei barapo matababitha xua Nacom wūnae pejainchiwatsi. Ichamonae nanta xeina xua daxita matababin bara najūpa xua peainya cui matababin xua Nacom wūnae pejainchiwanexatsi barapo matababintha. Daxita barapomonae bewa barompaya pia jūntū coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ichūn yabara nanta xeina. <sup>6</sup>Pon jopa nacuichiyo po mataqueitha xua peainya cui matababi, bapon baxua exana xua Nacom wūnae pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wūnae pejainchinexatsi, pon jiwi Pecanamataxeinaein, tsipei bapon jeye: “Nacom maisa jūntū coyene weiweinan xua tanecatsiwam daxita coyeneya pexaewan”, jei. Irūno pon jopa pewi xaeyo, bapon barapara xua Nacom wūnae pejainchinexatsi pon jiwi Pecanamataxeinaein, tsipei bapon jeye: “Nacom maisa jūntū coyene weiweinan xua tanecatsiwam ira pipexaewa”, jei bapon.

<sup>7</sup>Tsipei dapon ajibi pon waxainchi jiwantsi pomonaexaetsi pomonae wajume cowūntsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tūpaetsipa apara saya poxoru Jesucristo pon jiwi Pecanamataxeinaein bara copata xua bapon petūpaewa tsane. <sup>8</sup>Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wūnae pejainchinexatsi. Icha Nacom pon jiwi Pecanamataxeinaein copata xua bara watūpaewa tsane barapo coyene bewa cana exanaetsi xua jiwi wūnae pejainchiwa Nacom. Daxota bequein icha waxainchi jinompaetsipatsi, yawano poxonae bequein icha tūpaetsipatsi bara barapara barapo coyeneinya waxainchi bewa cana exanaetsi xua jiwi Nacom wūnae pejainchinexatsi pon jiwi Pecanamataxeinaein poxoru waxainchi piamonae tatsichi. <sup>9</sup>Daxota Cristo tūpa, yawano equeicha asū popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonae werapa irūno pomonae cataunxuae jinompano.

<sup>10</sup>Daxota dapon ajibi pon paxam jiwana pam pon bewa yabara paebina pomonaetha pomonae irū pejume cowūntsiwi Cristo, xua pejeiwa: “Barapomonae Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonae irū pejume cowūntsiwi, xua jei:



“Maisa barapomonae jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentsiwa xua abe waexanaexae Nacomtha. <sup>11</sup>Tsipei Nacom Pejume Diwesitha jeye:

“Xan bara xaniwaicha yabara paca tsiwuna  
muxu dutatsi xua daxita jiwi patsina xua  
pentabocototha peumenaenexa taitabaratha  
tanewuna jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei  
tsane”, jei Nacom pon jiwi

Pecanamataxeinaein xua Pejume Diwesitha.

<sup>12</sup>Bapoxonae barapo mataqueitha yabara cueicueiei tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha wuna exainchi yawano icha bara metha abe exainchi.

**Meje yabara xua jopa bewa exanaetsi pocotsi coyeneya  
pomona pejume cowuntsiwi abe peexanaewa tsane**

<sup>13</sup>Daxota waxainchi jopa bewa yabara nantiya namuxutainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonae pomonaeru pejume cowuntsiwi xua pocotsi coyeneya barapomonae peexanaewa tsane xua daxota jopa pejume cowuntsiwa tsane Nacom. <sup>14</sup>Tsipei xan tajume cowuntsixae Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanejuntu coyene taxobiwa xua icha taxaewa tsane. Ichitha icha ichun yabara nanta xeina xua po pexaewa betaxobichipatsi icha xaetsipa bapoxonae bara tsita xainyeichi, betaxobichipatsi icha xaetsipa. <sup>15</sup>Ichitha icha paxaetsipame pocotsiwa xua painya jiton jopa ichichipaeyo xua pexaewa, pon iru pejume cowuntsin bapoxonae peantobe coyenewa jopa patsita xeinaem bapon. Painya xoba paexaname pocotsi coyenetha xua ichun baraxuba Nacom xua poxoru pocotsiwa painya nexaexae. Tsipei apara Cristo bayatha tsitupa bapon. <sup>16</sup>Paxam pananta xeiname xua bara wuna paexaname po coyenein ichamonae tsita abetsi pejuntu coyenein taxobixaetsi. Bequein baxua payabara nanta xeinaetham tsipae ichitha jopa paexanaemtsipae barapo coyenein. Tsipei icha paexanaetsipame barapo coyenein, ichamonae yabara jei tsipae barapo coyenein: “Maisa po coyenein barapomonae exana bichocono abe”, jei tsipae. <sup>17</sup>Nacom ichichipa xua waxainchi peburaya juntea wajinompawea. Daxota poxonae Nacom naca itoroba po coyene yabara po coyeneya bewa nabaru jinompaeinchi, jopa yabara paebi tsainchi xua po peitorobi coyenein xua waxaewa yawa waapaewa yabara. Jame po coyenein yabara naca itoroba xua apara jame pinae

bewa Nacom tsita xeinaeinchi pejuntũ coyene xanepanaewa. Matautano bewa pinae juntema nabarũ jinompaeinchi Nacom nexa. Matautano bewa jũntũ coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumope tũxaxũ tatsi. <sup>18</sup>Poxonae barapo coyeneya Cristo taexainchi bapoxonae Nacom tsita xanepanatsi pocotsiwa xua exainchi. Matauta jiwi naca yabara paeba xua pinae bara beta exainchi.

<sup>19</sup>Daxota bewa waxainchi exaneibinchi pocotsi coyenein xua juntema nabarũ jinompatsi exanatsi. Yawano bewa exaneibinchi pocotsi coyeneintha xua nantiya jume cocowũntaponatsi naexainchi. <sup>20</sup>Jopa bewa paxaem ichũn peitabaratha pon painyamonaе jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon irũ metha xaetsipa barapo pexaewa. Bapoxonae bapon nanta xeinaetsipa xua bapon pomonaе jiwana pomonaе penatsicuentiwa Nacomtha xua abe peexanaexae. Painya xaexae bapon pacana exaname xua jopa beta pejume cowũntsiwa Nacom. <sup>21</sup>Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Matautano jopa bewa paapaem peamenetsaxawa. Matautano jopa bewa paexanaem pocotsi coyenewatha painya jiton exanaena pon irũ pejume cowũntsin Cristo xua abe peexanaewa tsane. <sup>22</sup>Icha paxam pajume cowũntame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca jũntũ coyene taxobiyo saya jame meisa Nacomtha yabara patsipaebare baxua. Painya xoba ichamonae yabara patsipaebame pexaewa po pexaewa barapomonaе jopa bapana xae. iMaisa jũntũ coyene weiweina pon daxita coyeneya pexaewa penabanaein pon pia jũntũ coyenewa jopa tsipaebichi xua pinae penatsicuentiwa xua abe peexanaewaxae Nacomtha poxonae barapo pexaewa xane! <sup>23</sup>Pon yabara ainya unthũton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonae daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowũntichi xua waexanaewa pocotsiwa Nacom ichichipa bapoxonae barapara abe exanatsi, poxonae baxuan exanatsi.

**Meje yabara xua pocotsiwa bewa exanaetsi xua ichamonae tsita xanepanatsi**

**15** <sup>1</sup>Waxainchi pomonaetsi pomonaе ajũntũcoyenesũtsi xua wajume cowũntsiwa Cristotha. Daxota bewa yawenaetsi pomonaе xua jũntũ coyene faefaena xua pejume cowũntsiwa Cristotha xua barapomonaе awiya jume cowũntsina. Jopa meisa bewa exanaetsi pocotsiwa xua waxainchi wacoya ichichipatsi. <sup>2</sup>Daxita waxainchi bewa exanaetsi pocotsi coyenewa tsita coyene xanepanatsi pomonaе ichamonae pomonaе irũ pejume cowũntsiwi pocotsi coyenetha xua barapomonaе

yawenatsi xua pejume cocowuntaponaenexa. <sup>3</sup>Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonae abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonae jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha. <sup>4</sup>Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawunaewatsinexa. Xeinatsi baxua poxoru Nacom Pejume Diwesi naca cana exana xua jopa dapoyene xainaetsi xua bepijawa aitaconaetsi xua bequein ichamonae abe nacata exana. Yawano barapo diwese naca cana exana xua najuntũ coyene tsacabatsi xua wajume cowunta dubenanaebiyawa. <sup>5</sup>Nacom bapon naca cana exana xua jopa bepijawa aitaconaetsi yawano xua naca juntũ coyene tsacaba exana. Barabũ barapon Nacom paca yawena xua peburũya nanta jũpiya pananta xeiname xua painya nabarũ exanaewa tsane, icha be pocotsi coyeneya Cristo Jesús exana. <sup>6</sup>Barabũ be caemonae pana nabarũ wunaewatsi jaintame Nacom, pon Jesucristo Paxa tatsi, pon Jesucristo Wanacanamataxeinaein.

**Meje yabara xua po coyene pomonae jopa judiomonae naexanaeyo  
tsipaebatsi Nacom pia pecapanenebiyae diwesi jume**

<sup>7</sup>Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi wunaewatsi pejaintebinexa Nacom painya neexanaewamxae baxua. <sup>8</sup>Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwunaewatsi muxu duta wamo susato jiwitha. <sup>9</sup>Yawano Cristo daxota patopa xua pomonae jopa judiomonae naexanaeyo wunaewatsi pejainchinexa Nacom xua Nacom wunaeya peyabara nanta xeinaexae xua peyawenaenexa barapomonae. Nacom Pejume Diwesitha baxua yabara jeye xua Cristo paeba paxatha:

“Wunaewatsi cajaintatsi daxita nacuan  
jiwitha pomonae jopa judiomonae  
naexanaeyo pia xantha tatsi.  
Wunaewatsi cajaintatsi xua poxonae cata  
naxunatsi”, jei Nacom Pejume  
Diwesitha xua Cristo Paxatha paeba.

<sup>10</sup>Equeicha Nacom Pejume Diwesitha jeye:

“Barabũ daxita nacuan jiwi caemonae nabaru  
jũntũ coyene weiweinaena pomonae Nacom  
itapeta xua pecana exanaenexa piamonae tatsi”,  
jei Nacom Pejume Diwesitha.

<sup>11</sup>Equeicha Nacom Pejume Diwesitha jeye:

“Barabũ daxita pam pomonae jopa judiomonae  
naexanaeyo pam wũnae pajainchiname  
pontha pon jiwi Pecanamataxeinaein.  
Matautano barabũ daxita nacuanpiwi  
wũnae jainchina bapontha”, jei  
Nacom Pejume Diwesitha.

<sup>12</sup>Equeicha Nacom Pejume Diwesitha xua Isaías tatina, jeye:

“Pebin patopaena pon Isaí pia pemomoxi  
susato jiwi jiwana tatsi,  
pon David paxa tatsi.  
Bapon Nacom cana exana xua bapon itorobiya  
pecanamataxeinaenexa tsane pomonae  
jopa judiomonae naexanaeyo.  
Barapomonae jume cowũntsiya wũnae ewatsina  
xua barapon barapomonae pecapanenebiwa  
tsainchi abe pia peexanaexae cuiru  
coyenein weya tatsi”, jei Isaías  
Nacom Pejume Diwesitha.

<sup>13</sup>Barabũ Nacom pon naca cana exana xua wawũnae ewatsiwa Cristo  
bichocono paca jũntũ coyene weiweina exanaena. Matautano barabũ  
Nacom jũntema jinompa paca cana exanaena. Nacom baxua pacata exana  
painya nejume cowũntsixae bapon. Bapoxonae barabũ Nacom paca cana  
exana xua jopa juniya painya newũnae eewataponaeewa tsane Cristo.  
Nacom pia Pejumope tũnaxũ tatsi baxua paca cana exana pia peayapusu  
itorobi coyenewatha.

<sup>14</sup>Tamonae pam, paxam pomonae irũ painya nejume cowũntsixae  
Jesucristo. Bara xaniwaicha beta yaputan, xua paxam beta painya  
neexanaewam po peantobewa xuaunxuae yabara paca tsitinatsi.  
Matautano paxam payaputaneme daxita xua pocotsiwa bewa  
paexanaename. Matautano payaputaneme xua po coyene bewa nantiya  
pana namuxuwetsim. <sup>15</sup>Barapo cartathe pecono jumeyoŋa atsaquiya  
pacata tinatsi. Baxuan xua pocotsiwan pacata tinatsi jopa ichipaeinyo  
xua painya nejũntemainaewa. Daxota atsaquiya pacata tinatsi baxuan  
Nacom tanebarũ cui itura jinaexae poxonae necata barapo tanacuichiwa.

<sup>16</sup>Nacom neitoroba xua Jesucristo tatanacuichinexa tayawenaenexa  
pomonae jopa judiomonae naexanaeyo. Tanacuitan Nacom poxonae  
cueicueijan Nacom pia pecapanenebiyae diwesi jume pomonaetha

pomonae jopa judiomonae naexanaeyo. Barapomonae pejume cowuntsixae Cristo, Nacom pia Pejumope tñaxu tatsi cana exana xua barapomonae pejtñtũ coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonae bapon duwei jiwi tsitautatsi abe pia peexanae coyenein nexa tatsi bapoxonae barapo jiwi Nacom petsita jñtũ coyene xanepanaewichi.

<sup>17</sup>Tajume cowuntsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa. <sup>18</sup>Jopa yabara paebinyo xua Cristo exana ichamonae nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonae jopa judiomonae naexanaeyo pejume cowuntsinexa Nacom. Barapomonae Nacom jume jejeichi poxonae jume tane pocotsiwa cueicueijan xuano xua tane pocotsiwan xua exananno. <sup>19</sup>Nacom neexana xua pia Pejumope tñaxu tatsi pia peayapusũ itorobi coyenewatha exanan pexeinya petsita itũbi coyenewan po coyene jiwi jñtũ coyene nabenaeca cana exainchi. Daxota poxonae Jerusalén tomara wewarapiyan daxita jiwitha cueicueijan tsoponae Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui jopan. <sup>20</sup>Daxota ichichipeiban xua tacueicueijejwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueijej barapo diwesi. <sup>21</sup>Poxonae xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomonae cataunxuae jopa tsipaebichi po diwesi xua bapon peyabara paebiwatsi, barapomonae jume taena, xua bapon yabara jume taeinchi. Bapoxonae barapomonae yaputaena po diwesi xua bapon peyabara paebiwatsi xua daxota bapon jume cowuntsinchi”, jei Nacom Pejume Diwesitha tatsi.

**Meje xua poxonae Pablo paeba xua pinae beponaena Roma tomara beya**

<sup>22</sup>Ichamonae tatsipaebaponaexae barapo diwesi jopa neitacuꝑaeyo xua tapaca casiwa ponaewatsi. Bequein bayatha ichichipeiban xua tapaca casiwa ponebiwa tsainchi ichitha jopa neitacuꝑeibiyo. <sup>23</sup>Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi. <sup>24</sup>Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejñtũ coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua

tapana neyawenaewam tsane pocotsiwa nantawenonan tawarapaewanexa poxonaē painya tomara weya ponaēin. <sup>25</sup>Ichitha anoxuaētha copiya ponaēin Jerusalén tomara beya. Capanaēin pocotsiwa xua barapo Jerusalén tomarathapiwi peyawenaewatsi, pomonaē iruru pejume cowuntsiwi Cristo. <sup>26</sup>Macedonia nacuapiwi iru Acaya nacuapiwi pomonaē pejume cowuntsiwixae Cristo daxita barapomonaē pia coya juntucuru exana po coyene tsita coyene xanepanatsi. Barapomonaē taitoroba paratixi Jerusalén tomarapiwi nexa, pomonaē peacopeibiwi pomonaē iru jume cowanta Jesús icha paxam paichim. <sup>27</sup>Barapo pejume cowuntsiwi pomonaē Macedonia nacuapiwi iru Acaya nacuapiwi barapomonaē juntucuru nanta xeina pia coya xua peexanaewa baxua. Barapomonaē jopa itorobichi ichun. Ichitha barapomonaē bewa yawenaena pomonaētha pomonaē acopeibiwi. Barapomonaē pomonaē jopa judiomonaē naexanaeyo jume tane Nacom pia pecapanenebiyae diwesi jume poxoru bayatha judiomonaē yawena pecueicueijeixae barapo diwesi barapomonaētha. Daxota anoxuae pomonaē jopa judiomonaē naexanaeyo bewa xuya yawenaē barapomonaētha judiomonaētha pocotsiwantha xua barapomonaē pexeinaexae Nacom weya. <sup>28</sup>Daxota poxonaē wetsin barapo penacuichiwa xua catsin daxita barapo paratixi Jerusalén tomarapiwitha, bapoxonaē ponaēin España nacua beya. Paca siwa ponaēinchi copiya, bapoxonaē bara beya warapaein España nacua beya. <sup>29</sup>Bara xaniwaicha yaputan xua poxonaē paca siwa ponaēinchi, Cristo necatsina po diwesi paxam nexa po diwesi bichocono paca tsita juntu coyene xanepana xua daxota painya nejuntu coyene weiweinaewa tsane.

<sup>30</sup>Tamonaē pam, paxam pomonaē iru painya nejume cowuntsiwixae Jesucristo. Paca wucatsi xua be caemonaē panaexande xua ajumesuya daunweya painya pana nebaru tsipaebinxae Nacomtha xua bapon tana neyawenaewa tsane xua tatanacuichiwa bapon. Baxua paca wucatsi iru painya jume cowuntsixae Jesucristo pon Wanacanamataxeinaeinxae. Barichi paca wucatsi iru painya xeinaexae po peantobe coyenewa Nacom pia Pejumope tunaxu tatsi naca cata. <sup>31</sup>Nacomtha painta tsipaebare xua jopa abe tana neexanaenexa pomonaē Judea nacuaētha pejinompaewi, pomonaē jopa pejume cowuntsiwi. Matautano Nacomtha painta tsipaebare xua barapo Jerusalén tomarapiwi pomonaē pejume cowuntsi jiji tanententa cobe wenotsinexa barapo paratixi. <sup>32</sup>Bapoxonaē icha Nacom ichichipaena juntu coyene weiweinaya paca siwa patopaeinchi. Matautano nafifina caewatsin xua tapaca casiwa ponaewatsixae tsainchi. <sup>33</sup>Barabu Nacom pon junte ma jinompa naca cana exana paca baru poponaena daxita. Je, bara ichi tsane.

**Meje yabara poxonaē Pablo jacoba Roma tomarapiwi**

**16** <sup>1</sup>Anoxuae yabara paca tsipaebatsi powa pewun Febe, powa beta peexanaewayo. Bapowa paca siwa ponaena. Bapowa

be wamcho watsicotaewa iru pejume cowuntsixae Jesús. Barapowa Nacom tanacuitatsi xua yawenatsi pomonae pejume cowuntsi jiwi Cencrea tomaratha. <sup>2</sup>Barapowa wunaeya parenta weyataeya wabare Jesucristo piamonae jiwanaxae pon Wanacanamataxeinaein. Baxua bewa paexanaem icha pomonae pejume cowuntsiwi ichi xua bewa nantiya nantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomonae. Yawano barapowa bayatha iru neyawena.

<sup>3</sup>Painta jacobare powa pewun Prisca. Iru painta jacobare, pia pebin tatsi, Aquila, tsipei baru nacuitanbe barapo tanacuichiwa po coyenein exanan Cristo Jesús nexa. <sup>4</sup>Baraponbe bara muxu petupaebe tana necapanepaenexabe poxonae ichamonae juntucuru muxu tana nebexubi. Daxota xan baranbe: “Maisa juntu coyene weiweinan xua tapaneyawenaemxae”, jan. Barichiru daxita pomonae Nacom pejume cowuntsiwichi pomonae jopa judiomonae naexanaeyo pomonae Nacom petsita nacaetuteibiwichi xua wuna pejainteibinexatsi, jeye: “Maisa pajuntu coyene weiweinan xua paxambe pana neyawename xua Pablo jopa petupaewa”, jei. <sup>5</sup>Iruno painta jacobare pomonae nacaetuta Prisca pia pebinbe pia botha tatsibe. Matautano painta jacobare Epeneto pon tajiton, pon bichocono antobein. Bapon pon copiya jume cowunta Cristo Asia nacuatha. <sup>6</sup>Matautano painta jacobare María. Barapowa powa bichocono pacata nacuita. <sup>7</sup>Matautano painta jacobarebe Andrónico iru Junias ponbe iru judiomonaepinbe icha xan ichin. Baponbe neyawa baru muxuna etabe jiwi pecubi botha. Matautano baponbe Jesucristo pia peitorobi jiwi tatsi jiwanae. Jiwi beta yaputaena xua baponbe bara Jesucristo pia peitorobi jiwi jiwanae tatsi. Baponbe caena bayatha netsiwana jume cowuntabe Cristo.

<sup>8</sup>Painta jacobare Ampliato pon tajiton, pon bichocono antobein, pon iru pejume cowuntsixae pontha pon jiwi Pecanamataxeinaein. <sup>9</sup>Painta jacobare Urbano, pon xua naca baru muxuna tanacuita Cristo. Matautano painta jacobare Estaquis, pon tajiton, pon bichocono antobein. <sup>10</sup>Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowuntsiwatsi poxonae bequein abe taexaneibatsi ichamonae. Matautano painta jacobare Aristóbulo piamonae tatsi. <sup>11</sup>Matautano painta jacobare Herodión pon iru judiomonaepinbe icha xan ichin. Iru painta jacobare Narciso piamonae tatsi pomonae pejume cowuntsixaeru pontha pon jiwi Pecanamataxeinaein. <sup>12</sup>Iru painta jacobare powa Trifena iruno powa Trifosa. Barapowayobe, powayobe iru tanacuitabe xua pon jiwi Pecanamataxeinaein tanacuitatsibe. Iru painta jacobare Pérsida powayo tajitowayo, powayo antobein iruru pejume cowuntsixaeru. Barapowa iruru nawita daunweya tanacuitaru xua pon jiwi Pecanamataxeinaein daunweya tanacuitatsi. <sup>13</sup>Iruno painta jacobare

pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Irũno painta jacobareno bapon Rufo pena tatsi, powa irũ be taena tsicotan. <sup>14</sup>Irũ painta jacobare pon Asíncrito, irũno pon Flegonte, irũno pon Hermes irũno pon Patrobas, irũno pon Hermas. Irũno painta jacobare daxita pomonae irũ pejume cowũntsiwixae Cristo pomonae xua barũ jinompatsi barapomonae. <sup>15</sup>Mataũtano painta jacobare pon Filólogo. Irũno painta jacobare powa Julia. Irũno painta jacobare pon Nereo, irũno Nereo pamcho tatsi. Irũno painta jacobare pon Olimpas. Mataũtano painta jacobare daxita pomonae irũ pejume cowũntsiwixae Cristo, pomonae barũ jinompatsi barapomonae.

<sup>16</sup>Betiya painta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowũntsiwichi pomonae xote jinompe, daxita barapomonae paca jacobata.

<sup>17</sup>Tamonae pam, paxam pomonae irũ painya nejume cowũntsiwixae Jesucristo. Paxam paca muxuwetatsi xua dota pam painya necui naitaewatsinexa pomonae xua tsana paca necaexanae jiwi xua ainya bicheitobe paca cana exana. Barapomonae pacata ayapube exana xua painya nejume cowũntsiwa Cristo. Barapomonae catsawa yabara jume toxechiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae tajũ pajume cuitaya ponde. <sup>18</sup>Barapomonae jopa tanacuichiyo xua Jesucristo jopa tanacuichichi pon Wanacanamataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume. <sup>19</sup>Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono jũntũ coyene weiweinan. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya neexanaenexa. Mataũtano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane. <sup>20</sup>Nacom bapon apara pon jũntema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabũ Jesús, pon Wanacanamataxeinaein, paca yawenaena pia paca necaantobexae.

<sup>21</sup>Irũno Timoteo paca jacobata pon nebarũ nacuita Jesucristo nexa. Mataũtano pon Lucio, irũno pon Jasón, irũno pon Sosípater, barapoyobe paca jacobata. Barapoyobe irũ judiomonaepinbe, icha xan ichin.

<sup>22</sup>Xan Tercio, barapo carte saya tatinan Pablo. Xan bapon irũrũ paca jacobatsi irũrũ taantobexae pon jiwi Pecanamataxeinaein.



<sup>23</sup>Irurũ pon Gayo bapon paca jacobae. Xan Pablon bapon Gayo pia botha tatsi anoxuae poponan. Baxota pia botha tatsi tanacæutatsi pomonae pejume cowũntsi jiwi, Nacom wũnae pejainchinexatsi. Irũno Erasto paca jacobarũ pon paratixi peenaein Corinto tomaratha xua Corinto tomarapiwi pia paratixi tatsi. Irũno Cuarto bapon paca jacobae, pon iru pejume cowũntsin Cristo.

<sup>24</sup>Barabũ Jesucristo, pon Wanacanamatæxinaein, daxita paxam paca yawenaena pia paca necaantobexae. Je, bara ichi tsane.

**Meje xua Pablo Nacom wũnae jaintatsi poxonae  
najume opi duta exana barapo carte**

<sup>25</sup>Barabũ wũnae jaintatsi Nacom. Nacom itacũpatsi xua paca ajũntũyapusũya cana exana xua beta painya nejume cowũntsinexa barapo pexeinya pecapanenebiyæ diwesi jume coyenewathaxæ. Barapo diwesi Jesucristo yabara cueicueijan. Caena bayatha poxonae Nacom aena nacia forota, barapo pexeinya pecapanenebiyæ diwesi jume Nacom cataunxuae jopa tsita jume itapeinya xeinaeyo, tsipei abũ be namicha jume yawũn xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi. <sup>26</sup>Barapo pexeinya pecapanenebiyæ diwesi jume, anoxuae jiwi barapo diwesi yaputane, Nacom pia peitorobi jume pepæbiwi peyabara tinaexæ barapo pexainyei jume diwesi. Mataũtano jiwi yaputane poxoru Nacom peitorobixæ, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cowũntsinexa Cristo. Mataũtano jume tane exana xua barapo jiwi peexanaewa tsane pocotsiwa Nacom itoroba.

<sup>27</sup>Barabũ Nacom wũnae jaintatsi, pon meisa compa yatsicaewa daxita peyaputaein. Jesucristo naca cana exana xua Nacom wũnae wajainchiwa xua ataya nexa. Je, bara ichi tsane.

Baja Pablo.